



秋澗先生大全文集卷第七十六

玉漏遲

答南樂令周



竹林幽思杳，栖遲自嘆，離群孤鳥，萬里雲翔，海樹去
相依遠，隣笛一聲喚起，憶共聽朱絲雅調，還自笑當
年已愧孫登清嘯。情擾回首分飛，悵落，相期望
高崧少會鮮離多，經世又誰曾了。二子況成陳迹，落
月滿梁空，照庭戶曉，得意眼中人少。二子謂西

二

越山征路杳，東南澹，長空飛鳥，儼影同翻，明月一
枝烏遠，共道有心避事，甚未若從渠相調，君莫笑南
樓苦要胡床舒嘯。空擾西裏江山，總輸與風流，眼
中年少也學癡兒，官事幾時能了一，曲驪歌未動，還

夢到三山晴照江月曉莫為賞音稀少

前一篇懷舊有感曰鄰吹者為見寄樂府也朱絲雅調者為鹿庵先生也孫登者為足下與諸君也二子者為西溪春山兩忘年友也後一闕將行即事曰三山者福城中山也幾夢者為不肖拜命前後凡夢三至其處曰賞音不少者為彼中宋吏部陳菊圃者甚眾故云二篇自覺語硬意凡固非樂府正体望吾子取其直書可也

三 留別淇 上諸君

浙江江路香蒼茫自嘆南飛鳥鳥故國回頭夢裡青山吟透手把一麾南去道不比八州常調君莫笑南樓苦要胡床舒嘯休擾歸去扁舟若比似陶朱尚

猶年少飛泳雖殊友義固應明了擬覽九江秀色誰

風入松 觀燈下半

一枝穠艷照華堂暖葉貯春光寫生莫羨徐熙筆風流在百子池傍點綴紅粧玉頰簾苦粉淡宮粧靜憐疎影伴昏黃添麝入爐香惜花人老情緣在雲幘晚銀燭高張細瀉一杯春露浩歌微雨東牆

三 奠子 都城

渺新秋節物客思天涯巖柱重碧雲賒煙華紫禁心事夢長沙青銅裏人未老鬢先華鈞簾望月得巧誰家兒女輩語空譁露翻梧葉重河映綺樓斜傾雲液歌金縷岸烏紗

二 登河中迎煦樓白樓也故

壯河山表裏百二喉襟形勝地古猶今風雲全晉在
草木故都深淡長空孤鳥沒總消沉東山高卧梁
甫長吟人未老鬢毛侵平生多古意落日更登臨倚

危闌窮遠目恐傷心

三 辛卯七夕時以雨未

湛新秋風露暖微霄梧葉下桂香飄鵲翻銀漢水
人渡玉闌橋歡能幾虹影斷渚宮遙人間多巧天
上無慘今古恨苦相捺菓瓜絲曲綴兒女思空饒層
軒晚香露濕可伶宵

四

悵神光奕天上良宵花露濕翠釵翹風回鳶扇影

愁滿紫雲輶恨相望雖一水隔三橋朱絃寂心
思迨人未老鬢先凋翻騰驚世故机巧到鮫綃凉
夜永簫聲咽篆烟飄

五

隔盈一水歡會今宵梧葉上雨蕭蕭星沉開帳燭
雲黯渡河橋渚宮深離思苦兩無慘金針綉細彩
舫花嬌兒女輩漫情饒巧來心愈拙絃促韻難調西
樓月銀漢影碧天遙

江城子 為張同知壽

灤江晴漾首山前玉為淵秀相連總把華英都付使
君賢梅竹堂深歌吹動香似霧酒如川列城千里
聽鳴絃頌聲喧覺春偏爭遣翱翔猶是貳車權滿泛

一杯添壽酒懸斗印看他年

二賦拜月圖

一枝繁杏宋牆東翠帷重捲春風留得殘粧簾月拜
玲瓏雲作鬢蟬霞作袂香霧濕玉鬟鬆閒情都付
燭華紅瑣牕中照芳容細逐行雲零亂紫金峰天外
翠鸞仙侶在城闕晚夢芙蓉

南鄉子

近聞吾子有茂陵側室之舉順命故也且在昔賢女雖有小星惠下之行不無鬱悒自傷之意故首章託以自怨自責忌嫉傷善略不見也然怨不已則夫婦道乖故釋以人子之孝嗣續為重嗚呼商陵穆子之悲衛莊姜傷已之

嘆匪歌詩莫能宣其志此樂府之所以作也庶幾言之者無罪聞之者少有慰焉

人物舊温郎心事珠簾月半床笑裏玉臺重藉手誰
量析得楊枝惱孟光得鯉豈思鮒老境其如伯道
傷但願維羅應汝夢稱觴趁取春風慰北堂

二龍祠回飲張氏草堂

喬木色蒼々山頂難留落日光燈影碧流深幾許浮
觴來醉張家第四場世事莫論量相對尊前兩鬢
霜富貴幾時當適意杯長問甚春星帶草堂

三

簾影靜棊枰平野風來分外清一帶好山供望眼雲
夏日同王子勉雷彥正王子初納涼西園亭

屏落日煙霏翠滿亭
醒常使玉瓶沙上酒如澠杖履時來月下傾

四氏春日遊亭

溪水淨灘沙紫動林梢半是花長日馬蹄閒信步誰
家曉入南園到晚霞時事開蜂衙一片閒心逐去
鴉爛醉玉瓶沙上酒生涯過眼浮雲不足誇

五

承旨董公壽登七秩康寧好德誠可慶
也取坡例以玉案香歌之

青瑣漢中郎滿袖長携玉案香記得賦詩橫槩日臨
江氣壓風濤一葦航蓮炬晚分光諫疏回天豈有
霜七十平頭從此數稱觴滄水淵源慶未央

六

一雪靜林臯冷壓浮陽氣不驕菜甲榆椒渾不動寂
寥賺得輕黃上柳條詩思苦相撩酒盞新來頓絕
交連夜客窓寒似水無聊誰約春風鎖綺寮

七

和幹臣樂府南鄉子南樂言懷中間更
易兩韻蓋前人用音意之例也

萬彙帝城春况是明時選用人愛殺曲山周老子依
仁任運不自論六任謾逢辰甚是榮華盡苦辛

羸得歸來兒女笑蘇秦白馬紅纓彩色新一作潦倒客

塵日有詩
來發興新

卜筮子

辛卯九月二十三日夜夢上層欄北望
黑雲截空二龍尾足連卷下垂殊分明
也覺而賦此

一抹截頭雲，
鬣從龍發尾足連卷，
見半空霽色翻。
蒼鬣舉手欲攀鱗，
散我麒麟髮，
天外雄風祕化機，
吹落蒼煙峽。

青玉案 賦紫金沙

綠陰暗盡西城樹，
人總道春歸去，
柔條高幾許。
絳燈閃爍翠雲縈，
護元有留春處，
金樽未厭傾芳醕。
醉墨題詩要香露，
胡蝶飛來何相，
向人有意繞欄。
翻舞似約花間住。

臨江仙 壽李節使

柱石中朝黃閣相，
河山千古南州，
多君談笑覓封侯。
朱輪繙皂蓋，
錦帶佩吳鉤，
滿府治聲歌五袴，
梢俊氣橫秋。
今年壽席更風流，
青雲新甲第，
一笑醉金甌。

八月一日同高仁甫李靖伯史潤之餞
伯昌東行韓明日至滑得陰疾後三日
舟載西還夕次淇門東劉家渡而歿得
年五十有五韓予出就外傳時同舍生
也哀哉

昨日舉盃親餞別，
六人吟嘯呵，
今朝丹旄颺城阿。
一棺零落恨都付，
逝川波萬事轉頭，
真是夢兩輪來。
往如梭，
人生百歲合如何，
故開眉上鎖，
得酒且高歌。

三送治中李公

天上雲衣無定態，眼中時事休驚。年來鐘鼎到書生。
一麾仍出守，五馬看專城。千古金陵佳麗地，中郎素有先聲。
一江春浪暮煙平。此身眠食外，萬事總虛名。

四為曲山作

別墅寒梅方入夢，多君來報花期。野塘流水小橋西。
南枝香爛熳，却恨賞音稀。正有玉堂人最愛，垂垂兩鬢如絲。
和羹心事未應遲。金樽重醉倒，且莫晚風吹。

蝶戀花

賦來禽歌枝

今歲尋芳春已誤，一粒丹砂，不到來禽樹。滿意紅芳春也妬。
妬長條簇滿珍禽羽。花道無情應有素，似惜金樽一醉珠簾幕。
春自還來花自故。人生最恨離筵苦。

二

昔鹿菴顯軒樂育淇上，一時秀造號稱多士。逮中元已來，例官游四方，僕十
年間纔三至鄉里。慨然有離索之歎。今
歲投紱自濟南來歸，而諸公頗集，所欠
者惟王尚書子勉、傅漕使士開耳。因賦
樂府以見歡會之不恒，聚散之有數也。
至于義安分定，辭兼六客，倚聲者當自
知之。恐酒酣耳熱後，不無倒冠落佩之
適也。

淇水當年麟鳳渚，回首飛翔落。風雲舉，三疊陽關
回首處。渭城柳色朝來雨。今夕何年天所与，白髮歸

來一笑同歌舞，醉裏相將尋杖屨。苔溪風月無今古。

三

綠暗蘭皋春，雨暮露浥風吹馥。香如霧，一曲清歌
花解語，落紅羞滿沙頭路。錦瑟華年誰與度。夜月珠
簾賜，^陽斷春風句。我自興來聊一顧，醉魂不到凌波步。

四和曲山韻因為贈之

經世此心誰盡了，欲盡麒麟功業何由到。白髮滿頭
青鏡曉，花開花落人空老。適意杯盤從草草，甘坐清
貧方駕。郊和島，最愛新詩情致好。篇，真壓元郎倒。

太常引送王嘉父

去年鞍馬客南廊，奈告別苦忽。今歲又相逢，喜客舍
清樽屢同。仲宣樓上，杜陵幕下，看處話途窮。好去漢

元龍道休着，青春負公。

二壽龐咨議

髯郎風度幕中蓮，已師範使君賢。驥足快騰蹇，道好
箇龐家士元。滄浪高興，寒花晚節，秋色滿淇園。一盞
願遐年，要都釀君家百泉。

三壽劉同知

太行晴色泛簾鉤，對書史日優游。賓從儘風流，誰健
似東陵故侯。人間萬事，塵埃野馬，一笑付紋楸。眉宇
壽光浮，拚醉過黃花暮秋。

四周都運生朝時添壽王村

量蟠英偉氣和愉，道滄海得遺珠。忠義與心俱見漕
府歸來轉輸，山呈霽色，杯添菊水，春滿野人廬。鄭重

萬金軀要羽翼當年漢儲

五為王同知壽

雍容詩禮冠時髦都忘却貴人驕橫槩見英標道勇
侶當年嫖姚默含萬動德尊一府歌壽聽民謠綠鬢
映金貂儘千尺青松後凋

六為万奴總管壽

重於山岳藹如蘭喜一旦得同官裁鑑笑談間道不
似當年將壇一年好處中秋節近涼露洗金盤丹桂
月中看儘耐得人間歲寒

七

奉寄參政李侯仲實自北京行省改授安
西王相人來徵詩於予因作此奉寄時也

田涇陽規畫財賦

北平移鎮入咸秦說睿春更情親下手見經綸道好
箇中原老臣萬屯曉日一鞭農事涇水盡中春陸海
儘藏珍侶只欠侯封富民

八

春風碧水靜林立對書史日優游來往更風流問誰
侶東陵故侯黃陂襟度曲江譽望山立看揚休春釀
儘禁芻拚醉盡蟠桃上秋

九送段信卿拜河東憲司經歷

北來孤劍鬱蒼顏聽時事立談間秋隼正騰翻莫使
倚霜空陡寒大行秋色汾川雁影極目送歸鞍簿領
憲司間道好箇河東幕官

十 壽陶珉溪

南枝梅信點冰妍，覺初度得春偏。人物鱸堂仙，看才
思渾如湧泉。悠々往古，紛紛俗學，鞶帨繡空鮮。青鬢
莫蒼然，要折衷陶家講筵。

鷓鴣引為王太夫人壽。

簪纒瀟然自謝林，一家柔範到周南。以賢論母書彤
管，有子能官盡孝心。香霧碧，壽樽深。歲時春輦醉花
陰。從今叢慶堂前月，翠竹高梧聽鳳吟。

二

和周幹臣韻中統五年三月十二日夜陪
徒輩文與雷彥正夜語

門外東風駐馬蹄，月明庭樹綠陰稀。眼中時事驚天

運，醉裏游談侶口機。思遠走擬高飛，此心安得與時
違。遺書浩蕩三千卷，未分窮愁老布衣。

三 韓氏別墅

竹映方臺翠滿湖，烟霏荷露淨郊居。棗花輝映春風
被，雲錦香翻碧玉壺。吟倚杖，卧看書。一家風景輞川
圖。酒盃儘泛床頭瓮，未礙門多長者車。

四 謁太一宮贈王季祥

來謁齋宮又五年，道人邀我坐前軒。只驚前度劉郎
老，不見庭松偃蓋圓。人与鏡，兩條然。呼童茶罷炷爐
煙。壁間一軸烟蘿子，依約風流墮眼前。

五 為樂籍張蕙英賦

秋水芙蓉鏡裏仙，一枝明玉濯煙鬟。鶯初辭語調柔

舌柳不勝嬌。拂面欄。催疊鼓。按弓彎。樓心低。月怯清寒。人生莫惜纏頭錦。能得春風幾度看。

六

野粉宮牆暮雨邊。洛京依舊鎖嬋娟。一聲金縷閉情處。滿串驪珠訝許圓。金谷月。石樓烟。留連光景待他年。襪塵休放凌波去。更聽新翻倒玉船。

七

浴鳳池邊養相材。朝端先肅漢儀開。九秋灑爽臨初度。千丈恩光動憲臺。鏘劍佩。望蓬萊。翠華南扈拂天來。一枝好在霜前菊。留待清香薦壽杯。

八

為耶律總管太夫人壽

遼海千年將相家。婺星光動赤城霞。回看函戟清香地。

滿意春風玉樹花。金椅背。紫雲車。謝林風度見來賒。壽波潑灑宮壺暖。滿泛秋光醉綠華。

九

何處人間淑景新。韶光都付牡丹春。後庭花老空瓊樹。曲水江深見麗人。金屑粉。麝香裙。近前細看倒芳樽。惜教赤壁磯頭月。吹散春風陌上塵。

十賦鮑家黃

何處人間淑景新。劉家池館鮑家春。後庭花唱空瓊樹。曲水宮粧見麗人。金作粉。麝為塵。一枝千葉擁黃雲。花工可是多情思。夢逐凌波問洛神。

十一

丁亥上巳日與諸君宴林氏花園李氏

以歌曲侑觴醉中懇求樂府賦鷓鴣天
以歌之李氏字蘭英樂籍之名香者也
花草離騷試品量猗々香色紫蘭芳樂棚擢秀名何
麗楚澤含秋思更長金縷曲紫霞觴留連光景醉銀
塘竹西歌吹歸時晚也勝揚鞭問葛強

十二 贈李蘭英

拾翠仙洲野興長樽前一曲杜韋娘人憐暖日明歌
扇我愛蘭英媚國香佛楚佩笑梅粧春風著意泛崇
光老懷不到凌波夢要遣琵琶送一觴

十三 壽孝靖伯母

香靜堂萱燕處温一家柔範被鄉隣三牲奉養真純
孝八十康寧是福人巖菊晚嶺梅春羊容林下舊精

神婺光不動雲衢爛供佛床頭景氣新

十四 贈馭說高秀英

短：羅袿淡々粧拂開紅袖便當場掩翻歌扇珠成
串吹落談霏玉有香由漢魏到隋唐誰教若輩管興
亡百年總是逢場戲拍板門鉗未易當

十五

先相風流德業尊又看天馬五花文飄々青鎖凝佳
思靄々新詩侶嶺雲淮海秀已平分珪璋未礙琢
來勤吳人元重中州氣繡被何嘗擅鄂君

十六

潦倒衰翁不足尊更堪刺口論詩文經涂江浙多蘭友
照眼吳山霽霧雲傷別久惜輕分臨歧一語見殷勤

萬艘未是周郎志他日經綸要使君

十七

辛卯九月二十三日靖伯仲先携酒相過
客去醺然獨坐以見酣適之意云

波蕩江湖萬里餘歸來縮首伴凡魚
門從席後軒車盛鬢自霜來官味踈
思往事注殘書閒鋤明月種秋蔬
傍人莫笑揚雄宅好事時過載酒壺

十八

問井錐刀劇戰烘詠歸奚取舞雩風
道開聖學千年後春在先生一畝宮
敷誨誘見從容絃歌不隔縵紗紅
珉溪幾點梅梢雪歲一吹香入壽鍾

虞美人

紅顏綠鬢無長好日對菱花老頭童齒豁竟何裨
只有飢時餐飯飽時嬉因行消散昏和悶却覺筋骸困
那錢置箇馬兒騎食飲難消終日繫門墜

二

謝成耀卿僉事携酒芋相遇

山瓶乳酒甘如蜜鴟芋堆盤赤見君相贈固多情
潤我枯腸一吸破愁城秋光湖碧西灣漱不到心中
懣何時盡煮土芝香醉飽歸來肯把故山忘
一作醉復歸時騎馬似知章

西江月

清明拜掃回值田家野飲有頽白者邀余
就飲因實老人之意作西江月以歌之

社鼓驚飛梨雪村蕭吹破桑芽清明野飲見田家老

叟邀余下馬，勸飲一危芳酒。繞看滿樹幽花，盃盤草
樂年華不棄，同來觀化。

二 閑步州南古堤

返照斜明，隻塔亂山回繞。孤城年來風物，似昇平。人說三
王善政，世事正宜靜待。田園好去躬畊，雲間歸鳥有遺
聲。喚起投林高興。

三

大河凝冰，蔽川而下。與一二寮友登白

樓俯觀賦此詞以歌之

散策暫辭皂吏，倚樓來聽漁歌。夕陽西下，亂山多白。
鳥蒼烟衝破，一夜朔風吹雪。白雲飛滿長河，不將幽
夢付凌波。意在吳郎，亞舸。

四 贈張子文

聯轡閒設詩雅，停盃高詠妍詞。山城投宿晚涼時，避
迤青雲公子，濯錦江邊相憶。鳴條山下分携，秋風搖
蕩菊花期。竚候翩翩，歸騎。

五 繼張孝純韻

郢下空歌白雪，琴中誰聽高山。人生何用訂殊頑，不
過兩盃日飯。夢到釣臺老樹，秋風閒煞漁竿。沙鷗無
數點江干，知我忘机去慢。

六 壽王中丞

梅蘂暗傳春信，菊枝儘傲霜威。風姿元與歲寒期，况
是小春天氣。翠實調羹未晚，秋香添壽多宜。高名北
海舊蟠螭，未似東山雅意。

七壽李彥祥

近歲憶游竹里，今年來遇生朝。平生洒落，色中豪。邂逅風神不老，賞盡山陽烟景。春翻毫海雲濤。太行晴色任秋高。人与黄花長好。

黑漆弩遊金山寺并序

隣曲子嚴伯昌嘗以黑漆弩侑酒省。即仲先謂余曰：詞雖佳，曲名似未雅。若就以江南烟雨目之，何如？予曰：昔東坡作念奴曲，後人愛之，易其名曰：醉江月。其誰曰不然？仲先因請余効顰，遂追賦游金山寺一闕，倚其聲而歌之。昔漢儒家畜声妓，唐人例有音

學而今之樂府，用力多而難為工，縱使有成，未免筆墨勸淫，為快耳。渠輩年少氣銳，淵源正學，不致費日力於此可也。其詞曰：

蒼波萬頃，孤岑矗，是一片水面上天竺。金鰲頭滿，燕三盃吸盡，江山濃綠。蛟龍慮恐下燃犀，風起浪翻如屋。任夕陽、歸棹縱橫，待償我平生不足。

二

曲山心作言懷一詞，遂繼韻戲贈

休官彭澤，居閒久，縱清苦，愛吾子。能守幸年來，所事消磨，只有苦吟甘酒。平生學道在初心，富貴浮雲何有。恐此身未許，投閒，又待看鳳麟飛走。

好事近 過南雲門

南北西雲門，竹圃霜畦如畫。攬極黃雲萬頃，自長渠
飛洒。太行鍾秀，盡三鄉形勝，迤高下。笑我年來用捨，
侶田間秧馬。

二嘗點東坡橘樂湯作

石鼎響松風，茗飲老來多怯。喚起雪堂清興，淪鴈班
金屑。橘中有樂，勝商山香味，不容說。覺我胸中，硯磊
被春江澄澈。

三賦庭下新開梨花

軒鎖碧玲瓏，好雨初晴。三月放出暖烟，遲日醉風簷。
香雪一樽吟遠，洗粧看玉笛，莫吹裂。留待夜深庭院，
伴素娥清絕。

四春寒繼劉君卿韻三首

斗柄轉春城，向暖小桃開徹。不似今年正月，過深冬
時節。故將新巧發陰机，春事未容說。且就驅雲風帶，
掃西山晴雪。

五

宮殿曲江頭，漢、輕陰開澈。花柳都城三月，正禁煙
時節。珂鳴轂擊玉泉遊，故老向人說。一片春風蕭鼓，
蕩梨花香雪。

六

華髮一衰翁，世事眼中看徹。只為年來薄宦，負東山
高節。冥、神理到無憑，此外更何說。安得百壺春酒，
掃羈愁如雪。

玉樓春 冬至夜侍祭

陰消陽長從今數。除客歸來聞好語。月明滿地紫烟生。暖入刺文添繡綾。冷風肅。生庭戶。桂酒光清搖燕姐。今冬記我致嚴時。爆竹聲中聽五鼓。

秦樓月

今歲八月自哉生明。夜月色如畫。及至良夕。乃多風雨。所謂獨向此時偏者。詩人不得無悵然之情也。取太白詩例。賦秦樓月一闋。歌以問之。是夜月色亦佳。但微雲點綴耳。

華陽閣一年心賞。中秋約。中秋約。九霄風露有懷都。露桂香和雨風吹落。倚欄望處秋煙薄。秋煙薄。一樽

能與素娥同酌

二

花時樂醪樽記醉。平津閣。平津閣。一聲金縷滿階紅。藥小欄。此日情滿索。土膏一寸春如削。春如削。幾時盼到絳燈紅燦。

己丑歲春分前一日。栽培衆卉罷。晚坐前閣。無以解之。偶得催閣芍藥辭。秦樓月一闋。因放聲自歌。浮大白者數行。實至元二十六年三月二十一日也。時夜漏交二鼓。燈下書。秋澗老人題。

秋澗先生大全文集卷第七十六

五月廿七日校

秋澗先生大全文集卷第七十七

樂府

行香子

乙酉歲九月二十五日過林氏西圃與
主人公泊張道士看花小酌林曰若作
數語以記其事使通俗易解甚佳既歸
不百步得樂府行香子一闕醉立斜陽
浩歌而去

秋霽遙岑何處登臨水西頭來散閒心遠園細履裁
種成陰撚秋香浮酒盃入孤斟老境踈鄉社浮沉
醉顏酡白髮盈簪夕陽歸路聽我長吟待野梅芳多
載酒再相尋

江神子

金朝遺風冬月頭雪令僮輩團取以明
拋親好家主人見之即開宴娛賓謂之
撒雪會去冬無雪今歲初白如此燈下
喜賦此詞錄奉達夫且應撒雪故事為

一觴之侑也

小窓遙夜失冬嚴覺春添捲疎簾掌許冰花捲亂撲
風簷喜倒坐中兒子輩爭指似謝家鹽一盃灯下醉
掀髯處窮閭寂情快萬壠含春江上麥纖應笑凍
吟蘇老子措病目認青帝

眼兒媚

賦燕子樓用幹臣絕路宣叔樂府韵

橫塘烟淡冷涵秋寂寞舊粧樓珠簾夜月露桃幽怨
總是閒愁形消骨化情緣在此恨若為休長河解洗
佳人無那倒揆黃流

二

滿簾夜月耿霜秋雲夢黯歌樓殘灯伴曉夕陽催暮
海水添愁天涯地角相思恨誰道此生休一篇照映
唐人詩雅千古風流

三

我來弔古過悲秋徙倚夕陽樓畫堂歌舞都能幾日
何限幽愁合懽林冷孤眠苦爭向死前休憑欄間看
一双鷓鴣對起中流

四

西風歸燕幾經秋。人老水邊樓。一灯孤枕，滿襟清血，花也含愁。前堂歌吹，新声有，争似从来休。長河若解，將妹遺恨，與淚俱流。

五呈周幹臣

桑榆晚景日駸，莫厭數相尋。靜冷幽境，閒談情話，與滌煩襟。濟時幸有諸公在，鄉社好浮沉。閒雲却恐西風吹去，認做商霖。

鵲橋仙壽胡紫山

秋香懸桂，光風轉蕙，掩盡尋常花卉。西城來往已風流，更點檢、生涯次第。堂名休逸，策扶流憩，占盡閒中風味。雞聲終動已扶頭，紅日上花梢未起。

二

調羹粉桂，愛香種蕙，自笑秋風野卉。兩椽茅屋對青山，初不羨、入雲高第。將心自逸，欲行且憩，為愛清時有味。桐江波上一絲風，儘容得、嚴光不起。

三

金蓮宍炬，紫山仙侶，夢寐青門瓜圃。春風著處是行窩，要一笑、人間今古。錦箋佳句，新声金縷，洒遍薔薇清露。東華待漏，滿靴霜，恐輸與西城杖屨。

四和劉夢吉韻

高人非古，冲襟粹宇，要覽德輝飛舉。伊周元不是庸人，吾志在箕山巢許。蘭紉有賦，菊香釀黍，夢斷糟床秋雨。淵明卧老北窗，風猶勝、侶清談夷甫。

五

沉酣往古樓遲衡宇。劇有弓招此舉。長林豐草野麋
心是中散。生平自許。日邊草賦。牙頭炊黍。誰道閒雲
有兩周宣。補衮要深功。除喚起當年山甫。

六

金鑿視草蒲輪應召。客路人情殊好。豈知野鹿飾金
鑣。志却在長林豐草。霜風料峭。形容枯槁。愁緒百端
縈繞。故山歸去。有茅廬任東。置長沙諫藁。

七

五窮作祟。百端相滯。破帽一風吹碎。邯鄲道上。斷人
行銷鑠。盡元龍豪氣。商顏綺季。當時不起。悞甚漢家
經濟。書生薄相。到還元。要結末黃蘗滋味。

八 為何繼先壽

調和謀斷。論思機務。許大茫茫。疆寓當年。姚宋揀時
才。聽沙路。歸來好語。皆翻紅藥。省連溫樹。滿貯春風
瑞露。眼中庭檜鬱蒼。道晚節昌於韓圃。

浣溪沙 壽李衛尉

矍鑠當年漢伏波。紫微垣外侍雕戈。笑騎天驄下天
河。華髮雅宜麟閣。畫春風先送武城歌。朱顏休惜撻
金荷。

二 內黃道中

風柳婆娑半畝陰。兩株巧与道相鄰。樹頭幽鳥似知
音。馬上行人思困睡。天邊赤日欲流金。解鞍休惜濯
煩襟。

三 送王子勉都運閩中

卷二十七
四
薊北分攜已六年，秋風淇上又離筵。
一樽情話重留連，內史調兵推漢相，春潭通漕笑韋堅。
嶽雲拖翠上吟鞭。

四題韓氏別墅

翠竹連村映白沙，小崗回抱一川斜。
旋開幽沼聽鳴蛙，樵客局邊驚橘樂，黃塵門外任蜂衙。
樹頭山色晚來佳。

五客亭觀漲

老雨長河壯怒濤，客亭夜久聽喧號。
平明兩涘渺江皋，沙尾沒來漁箔短，危檣看處客帆高。
斜陽汀草亂青袍。

六壽周幹臣

十載相期紫禁遊，一官誰想客西州。
春風閒倚仲宣樓，四海論交真益友，一年好處是中秋。
壽波無惜捲金甌。

七

吳村道中在平陽府北三十里汾水西
三月十五日送客回作

綠樹連村際碧山，春風吹水漲黃灣。
沙汀蘋滿釣舟閒，薄宦崎嶇清議裏，風烟吞吐豎圖間。
夕陽明處鳥飛還。

八

至元九年秋九月登秋風亭觀雨呈賦
曹參軍周幹臣

雨勢蒼山共一雲。雨聲作氣張三軍。秋風亭下葉續
紛。官事何憂嚴限促。天心不負老農勤。夜窓孤客儘
先聞。

九

乙亥自壽時二孫 行一女孫在兒時
避人事在汾西廣福院

梅點冰梢蠟蒂凝。蘭芽珠樹闥鮮明。團欒香火此時
情。避世遠慚金馬客。棲山人道老人星。雪邊岩檜儘
青。

十壽湯總管

十載烟花紫禁遊。嘉謨曾補翠雲裘。歸來尤荷寵光
優。畫戟清香高北里。虎符金節照南州。壽波無惜捲

吟甌

十一 壽王子初

六合澄清到一家。顯、文物望中華。未容詩礼養蘭
茱。松柏後凋元有待。珪璋涵潤本無瑕。誥恩行墮五
雲花。

十二

王中丞許贈新香不至書此以催之

珍品無多百和濃。露沾娑律濕蘭叢。喜分新供至南
豐。螺甲未融金雀餅。芳菲已夢碧湘宮。寶貌光障綉
簾風。

十三

六月初三日。与學官高伯祥夜話於魏

府之清潤堂

露榻風簾燭影搖，故人留話慰蕭條。徘徊花月可憐
宵，天淡有雲空漠漠。月明無雨更悠悠，洞天歸路踏
瓊瑤。

十四

送劉仲元赴平定州親迎

青鳥西傳燕尔期，乘龍喜氣見修眉。芳踪濃似去年
時，禁鬻名香天眩重。玉臺春暖鏡鸞棲，人生樂處是
新知。

十五 賦筆

朋盍華簪醉未醒，主人張樂見厭厭。一聲銀甲裂霜
鱗，澗水咽冰翻隴怨。將軍出塞憶蒙恬，碧桃花底玉

笙憇

十六

付高彥卿

紅翠叢中樣度新，桃花扇影駐行雲。隋唐嘉話閱來
真，一片錦帆浮汴水。兩京花柳暗風塵，彩聲曾動鳳
城春。

十七

兩點鳴鏡裂竹聲，併隨牙板一時停。詞源都作建瓴
傾，白羽揮開諸葛陣。蒼濤翻動憲王陵，低空知有彩
雲橫。

十八

隋末唐初与漢亡，干戈此際最搶攘。一時人物盡鷹
腸，褒鄂有靈毛髮動。曹劉無敵簡書光，爭教含泣到

分香

十九

旅館燈青色，曛據牀。設劇作春溫，月中雲夢入。雄
吞清議素，高烏府。月秋霜低壓，漲江雲。吳山、下惜
輕分

二十

中秋雖見月，桂花出沒于雲影。間有不
快人意者，作此詞以歌之。

月色都輸此夜看，人心偏處即多慳。碧雲吹恨滿，瑤
天儘着冰壺涼。世界故將陰霧妬，婢娟桂香和露濕。
幽彈

二十一

贈朱簾綉

滿意茗華照樂棚，綠雲紅灩逐春生。捲簾一顧未忘
情，絲竹東山如有約。煙花南部舊知名，秋風吹醒惜
離聲。

二十二為張右丞壽

補袞功深浴鳳池，好賢人道似緇衣。佩聲清響見委
蛇，千歲壽祺陰有積。兩宮恩睭古來稀，東山歌酒樂
時熙。

二十三

紙帳梅花夜色清，行雲香濕墮銀幃。惜花人老若為
情，對酒當歌須適意。凌烟圖像是虛名，千年編簡幾
人青。

點絳脣 壽周幹臣

秋氣平分、画欄桂樹秋香底、良辰美景、拚取花前醉、
彭壽添君白也、詩堪擬、高歌起、月波如水、長照金罇
裏、

二 壽涿郡房二尊親

露影庭萱、一枝金綻、釵頭鳳、寶花香供、壽席光浮動、
懿範闔門、姻族同推重、瓊杯捧、二親安寵、共醉玻璃
甕、

三 送董彥才西上

楊柳青、玉門關外三千里、秦山渭水、未是消魂地、
坦卧東床、恐減風雲氣、功名際、願君著意、莫搵春閨
淚、

四 癸酉夏六月五日同河中府官宴白樓

倚檻清歌一聲高、過行雲、住長河、傾注、不煞曦輪暑、
燕寢清香、画棟珠簾、兩人何處、一樽綠醕、滿眼青山
暮、

五 題絳州花萼堂時大暑回自河中

一榻清風、故山邂逅、欣相遇、綠陰池樹、蕩漾搖翻處、
赤日紅塵、前日中條路、人良苦、壯心如故、快叱王陽
馭、

六

後六月二十二日、同府僚宴飲白雲樓、
時積雨新晴、川原四開、青障白波、非復
塵境、忽治中英甫、堅索鄙語、酒酣耳熱、
以樂府歌之、

晴倚層欄飄、醉上青鸞背。飛雲崩墜萬疊銀濤碎。
青障白波非復人間世。人懷霽。夕陽有意返照千山外。

七為房祖母壽

婺女呈祥瑞光分自雲衢爛鳳萱金燦留待佳辰綻
林下丰容閨壺瞻儀範香縈篆玉顏如練歲、長康健。

八壽周幹臣

千古詩壇苦吟誰得風騷妙羨君才調一蹴無邊徼
歲、中秋喜見朱顏好霜蟾皎一罇傾倒萬事秋毫

九為承旨唐壽卿壽

秋氣平分鬱葱都作克閭喜玉堂風味磊落青雲器
醉墨烏絲綠綺傳湘水千秋歲月波如洗長照金罇裏。

十雨中故人相遇

誰惜幽居故人相遇還晤語話餘聯步來看花成趣
春雨霏微吹濕閒庭戶香如霧約君少住讀了離騷去。

十一春夜喜雨

好雨知時萬金欲買初無價種花才罷佻為芳枝下
花重官城好箇風人雅從飄洒探花走馬明日春如畫。

十二雨宵即事

春雨空濛晚來點綴閒庭景一牀灯影潤入琴絲冷
清夜沉沉誰慰孤懷耿雲生鼎倚窓高詠愛此春宵
永

十三 探花

春雨添花繞欄來看花開否海棠紅瘦綠葉花如豆
梨雪生香近在清明候花為友莫輕辜負預問隣家
酒

十四 喜芍藥發芽

紅藥當階朝來撥土紅芽秀
血欄暗畫凭暖佳人袖
一粒丹砂誰點仙根透
從今後為渠釀酒去作花間
友

十五 春雨後小桃

端正樓空一枝春色誰偷得
夜來消息暮雨胭脂濕
倚竹佳人翠袖嬌無力
須相覓一罇休惜轉首春狼
籍

十六

已丑清明前一日春露堂即事時既雨
快晴明日書示友人主人出名酒相屬
因放歌數闋而去實至元二十六年三
月七日也可為不虛度此節矣秋澗老
人焚香閒題

春雨如膏最憐適與清明遇晚晴庭宇無出樊川賦
萬行雲低拂垂楊度春如許亂花深處幾點薔薇
露

十七 西灣即事

碧玉環深一罇同醉清明後綠陰晴晝多少開花柳
身世虛舟日月驚蹤走誰豪右志懷惟有拍泛船中
酒

平湖樂 十章

平湖雲錦碧蓮秋香灑蘭舟透一曲菱歌滿樽酒暫
消憂人生安得長如舊醉時記得花枝仍好却羞上
老人頭

二

鑑湖秋水碧於藍心賞隨年淡柳外蘭舟莫空攬典
春衫觥船一棹汾西岸人間萬事暫時放下一笑付
醺酣

三

平陽好處是汾西水秀山按翠誰道微官淡無味錦
障泥路人爭笑山翁醉西山殘照閑鄉何事險忙殺
暮鴉啼

四

秋風嫋白雲飛人在平湖醉雲影湖光沒無際錦
幘圍故人遠在千山外百年心事一樽濁酒長使此
心違

五

採菱人語隔秋煙波靜如橫練入手嵐光莫流轉共
留連画船一笑春風面江山信美終非吾土問何日
是歸年

秋風湖上水增波水底雲陰過憔悴湘纍莫輕和且
高歌凌波幽夢誰驚破佳人望斷碧雲暮合道別後
意如何

七

綠荷相背倚西風涼露烟霏重翠蓋銀瓶醉時捧使
君公徑須傾倒玻璃甃青山城郭暮雲樓閣高下一
重重

八

安仁雙鬢已驚秋更甚眉頭皺一笑相逢且開口玉
為舟新詞沒似鴉黃酒醉歸扶路竹西歌吹人道似
揚州

九

水邊楊柳綠絲垂倒影奇峯墜萬疊蒼山洞庭水碧
玻璃一川煙景涵珠媚會須滿戴百壺春酒搥鼓蕩
風猗

十

黃雲罷亞捲秋風社瓮春來重父老持杯十分送使
君公秋成不似今年痛太平
天子將何為報萬壽与
天同

十一 乙亥三月七日宴湖上賦

春風吹水漲平湖翠擁秋千柱西葉蘭橈閉來去萬
人呼紅衣出沒波深處鰲頭遊賞浣花風物好箇暮

春初

十二

山陰修禊說蘭亭似覺平湖勝春服初成靚粧瑩玉
雙瓶興來徑入無何境使君高燕年此日歌舞樂
昇平

十三

柳邊飛蓋簇晴煙人在平湖燕碧漱瑤翻映歌扇綺
羅筵人生幾度春風面江山畫裏一時人物斜日重
留連

絳桃春 堯廟秋社

社壇烟淡散林鴉把酒觀多稼霹靂絃聲闐高下笑
喧譁壤歌亭外山如畫朝來致有西山爽氣不羨日

夕佳

壽李夫人六首

眼明欣見太平人環佩嬰香潤洞裏瑤華自高韻八
千春裊煙已報長生信一杯更買麻姑蒼海安坐看
揚塵

謝林高韻本蕭然百歲春風面白髮兒孫羨康健誥
鸞鮮彩雲扶下長生殿鄉閭盛說一家榮養初不羨
魚軒

南枝消息小春初香滿閒庭戶見說仙家舊風度壽
星圓瑞光浮動雲衢婺綉筵開處散花傳琰彩袖不
曾扶

小園不惜買花錢粧點蟠桃燕傳語風光莫流轉百

來年人生幾度春風面。細思誰侶君家阿媽康健地
行仙。

牙、長憶點粧紅。曾得含飴弄。此日筵前一杯捧。白
頭翁。紫簫吹斷繁華夢。百年留在故都瓊樹。依舊動

春風

慈親康健說誰家。李氏人難亞。鏘鳳筵中見多暇。醉
簪花。肩輿勝侶宮門畫。從今看取君家餘慶。門戶爛

生華

八壽府僚

錦貂千騎朔方豪。瀚海淵波浩。五戟清香看傾倒。醉
仙桃。秋光雖晚人難老。烟花紫禁玉魚金帶。新寵照
朝袍。

九

辛卯九月二十五日夜解衣欲睡適有
飲興顧樽湛餘醪。燈綴玉虫而樂之。然
酒味頗酷。乃以少蜜漬之。浮大白者再
覺。胸中浩、殊酣適也。仍以樂府絳柅
春歌之。

少年鯨吸酒如川。甘苦從人勸。老大含飴最深戀。要
中邊。一甜掩盡黃柑醖。更憐中有百花風味。一笑為
君妍。

十

笑分花露出粧奩。香軟金盃滿。着華池潤吾咽展
眉尖。坡仙釀法真堪羨。却冷蜜課蜂兒官府。辛苦為

誰甜

如夢令 和曲山韻

仕官須求遭遇，不願已沾泥絮穠。世間人總被虛
名引去，引去引去，光景促于朝暮。
半世隨波從衆，幾被狙翁調弄。富貴苦相誤。一枕槐
根春夢。春夢春夢，况復此身無用。
友道兩翻雲覆，膠漆幾人持久。遣興漫題詩。客至有
錢沽酒。沽酒沽酒，徑入醉鄉無有。
老境心便多暇，束縛塵纓高掛。飯飽去尋君。閒步閒
吟閒話。閒話閒話，過眼紛華都罷。

柳圈辭六

暖煙飄綠揚橋，旋結柔圈折細條。都把發春閒懊惱

碧波深處一時拋

野溪邊麗人天，金縷歌聲碧玉圈。解被不祥隨水去

盡回春色到樽前。問春工二分空流水，桃花颺曉風。欲送春愁何處去

一環清影到湘東。步春溪喜追陪，相與臨流酬一杯。說似碧茵羅襪客

遠將愁去莫徘徊。乘蘭芳俯銀塘，迎致新祥祓舊殃。不似漢皇空解佩

歸時襟袖有餘香。醉留連賞春妍，一曲清歌酒十千。說與琵琶紅袖客
好將新事曲中傳

樂府合歡曲，讀開元遺事去。取唐人詩而為

之一名百納錦因觀任南麓所畫華清宮圖
而作

驛塵紅荔枝風吹斷繁華一夢空玉輦不來宮殿閉
青山依舊御墻中
亂橫戈奈君何危從人稀北去多塵土已消紅粉艷
荔枝猶到馬嵬坡
歲東巡洛陽城天樂宮中夜徹明不憶李暮偷曲去
酒樓吹笛有新聲
雨霖鈴却歸秦猶是張微一曲新長記上皇和淚聽
月明南內更無人
憶開元掌中仙入侍深宮二十年長記承天門上燕
百官樓下拾金錢

錦城頭錦江流回望長安帝儘愁那更血魂來夢裏
杜鵑聲在散花樓

驛坡前掩婢娟恹亂旌旗指望賢無復一生私語事
拓黃袍袖淚潸然

九龍池百花時樂按梁州爰急吹搗手便拈金梳舞
上皇驚笑勃拳兒

信音沉淚沾襟秋雨鈴聲閣道深人到愁來無會處
不閑情處也傷心

後庭破子 晚眺臨武堂

綠樹連遠洲青山壓樹頭落日高城望煙霏翠滿樓
木蘭舟彼汾一曲春風佳可遊

暮山溪

水姿綽約翠袖翻清露林下謝夫人依然是故家風
度搔頭玉重雲髻不勝寒繡簾疎涼月細一點香來
處清標一揀脉脉秋如許無語對西風恍當年六朝
瓊樹幽窓深鎖莫厭惜娉婷瑤臺路藐姑仙恐跨青
鸞去

鵲橋仙

大德辛丑年八月初四日壽平章相公夫人

金波秋靜桂欄香重瑞應熊羆佳夢錦棚擊出玉麟兒
道釋氏老君親送壽筵增慶朝鞍歸控恰及瑤觴拜
捧平津起舞隸華歌好一醉玻璃春甕

秋澗先生大全文集卷第七十七

廿七日

秋澗先生大全文集卷第七十八

進承華事略牋

臣憚謹言伏以學止虛文在明時而何補士傳民語
恐小道之可觀俯瀝愚衷仰陳瞽頌臣誠惶誠恐叩
頭叩頭恭惟

皇太子殿下溫文海潤

孝敬日暉方

丕承天序之時有歷試諸難之

命事統殆萬幾之廣

君門邈千里之遙雖

叡足以有臨

明足以繼照

仁足以及物
智足以周知復

多識于前言乃益隆于

孝治謹採

儲闈之事要庶幾賈傳之遺規倘賜

乙觀豈勝至幸波洋

少海固不擇于細流

德表華箴竊効持于衆美臣憚今所纂集名曰承華

事略凡廿篇釐為六卷謹奉牋投進冒瀆

嚴威無任激切屏營之至臣憚誠惶誠恐叩頭叩頭

謹言

至元十八年十二月

日朝列大夫燕南河北道提刑按察副使臣王憚進

承華事略序

臣憚嘗讀文王世子賈誼保傅篇二者教養太子之

方盡矣第去古逾遠其典禮有不復行於今者又伏

念

殿下春秋鼎盛以天挺英叡之資復有不待學焉

而後能者故臣愚慮敢迷其切時近用可舉於今庶

有補於來者著而為篇然事有先後必循序而進竊

謂孝者德之本也唯天子之孝以寧親敷教為大故

首之以廣孝愛者孝所生也惟孝友于兄弟故繼之

以立愛孝養既立亟當正者國之本也故繼之以端

本雖端非學無以成其德故繼之以進學不無

異端之害故以擇術謹習次之教尊德成必取正于

官非聽政無以驗諸用非達聰無以周其知故方其
聽政即以達聰繼之國政之外兵戎為重故以撫軍
次之軍國事啟舉措之間恐涉僭悞故以明分次之
文武並用長久之術故繼之曰崇文尚文之實親賢
為本然不可不辨其邪正故親賢後繼之曰去邪正
人之言無匪弘益故繼之曰納誨雖聖人不能無過
諫而能改善莫大焉故先以親之幾諫次以已之從
諫思五為儆省爾至若仁民愛物非德澤何以加故
預之以推恩德加于民而儉約逸豫居上者尤所當
尚戒天下之事無大小官得人則治故以審官終之
自廣孝至審官凡二十篇釐為六卷篇有圖俾見古
人當時事蹟之偉後有說以致思慮循序近用之義

且易於按觀焉題之曰
承華事略臣不自揆涓埃之微何足以益崇深之
海嶽猥以愧愚誠庶千慮一得或可仰裨
儲闡萬分之一蓋臣素願也臣王惲謹序

承華事略目錄

第一卷

廣孝

立愛

端本

第二卷

進學

擇術

謹習

第三卷

聽政

達聰

撫軍

明分

第四卷

崇儒

親賢

去邪

納誨

第五卷

幾諫
從諫
推恩
第六卷
尚儉
戒逸
審官

承華事略卷一

廣孝

禮記文王世子篇曰文王之為世子朝于王季日三雞初鳴而至于寢門外問內臣曰今日安否內臣曰安文王乃喜及日中又至及莫又至及之食上必在視寒暖之節食下問所膳命膳宰曰未有原進無也原再進也恐其味惡也應曰諾然後退武王師帥而行之不敢有加

唐元宗開元二年宴京師侍老于內殿八十至九十者版授賜爵及几杖粟帛有差給一子侍婦人亦如之其孝子順孫終身勿事征防兵父母年七十者遣還民天寶十三載詔天下家藏孝經

臣憚伏聞

殿下天粹元良日隆純孝其問安視膳于

兩宮之間與古契者多矣然於

君父之孝復有當廣之者如承顏順志俾

聖躬寧于上庶事康于下乃臣子孝敬之至故揚

子孝至篇云孝莫大於寧神謂神安神寧神莫大

於寧親終於四表之灌心如唐之賜爵給帛孝子

勿事征防親年及者還民及詔天下家歲孝經有

三王四代養老之遺風焉豈非德加百姓四表之

立愛
殿下詳覽益廣至德

書伊訓曰今王嗣厥德罔不在初立愛惟親立敬惟

長始于家邦終于四海

後漢和帝為太子時特親愛兄清河王慶入則共室

出則同輿及即位待慶尤渥慶或時不安帝朝夕問

訊進膳所以垂意甚備

唐睿宗諸子傳曰玄宗為太子嘗製大衾長枕將與

諸王共之睿宗知喜甚及先天後盡以隆慶舊邸為

興慶宮天子于宮西南置樓其西曰花萼相輝之樓

南曰勤政務本之樓帝時登之聞諸王作樂必亟

召升樓與同榻坐或就幸策賦詩燕嬉賜金帛侑歡

世謂天子友悌古無有者時有鶴鶴千數集麟德殿

廷樹翔棲浹日長史魏光乘作頌以為天子友悌之

祥

臣憚切惟父子存乎天性兄弟謂之彞倫友爱親睦人心之良德也孔子曰惟孝友于兄弟施于有政茲蓋言常人以一身齊治尚先悌于兄長故能施于政事矧國之

儲貳家有四海者欵異時將以立愛立敬睦九族建宗親使維藩維城之勢屏翰王室措天下于磐石之安不以友爱為本可乎故伊尹于太甲嗣位之初不遑它務首以愛敬為訓太甲竟能誨過思庸言思念也復為殷之賢君唐明皇以一念深至致開元雍熙之化茲非前世之明效歟

端本

尚書太甲下伊尹訓太甲曰一人元良萬邦以貞

唐燕王忠傳許敬宗曰本正則萬事治太子者國之

本也

魏元忠傳袁楚客曰夫安天下者先正其本正則天下固國之興衰係焉

臣憚謹按孟軻氏曰天下之本在國國之本在家家之本在身人君者天下之表則故以一身為天下之本

太子者國之儲副天命所係屬人心所歸向是本正則國正國正則百官正百官正則遠邇莫敢不一于正故伊尹之訓太甲正謂此也且政者正也以正而正不正者也今

殿下方開物成務作貞萬邦思取法于正者非一而端本澄源其可後哉

承華事略卷第一

同日校

承華事略卷二

進學

昔殷高宗為王子時問學于甘盤及厥德罔顯得傅說而告之曰爾惟訓于朕志說曰王人求多聞時惟建事學于古訓乃有獲事不師古以克永世匪說攸聞又曰念終始典于學厥德修罔覺高宗承說之教至四海咸仰其德

漢顯宗立為皇子師事博士桓榮學通尚書令榮止宿宮中積五年榮上疏云太子以聰睿之姿明達經義觀覽古今儲君副主莫能專精博學若此者也斯誠國家福祐天下幸甚

臣憚觀自古人君雖秉聰敏睿哲之資必由學以

成其德者，蓋所以究聖政明新之理，以正其心術。通古今治亂之源，以增其智慮，使聖益聖，明益明。雖比隆唐虞，無難。且如射弓學書一藝也，非習焉尚不能造其妙。況治國平天下之道哉？故傳說告高宗，使終始常在于學，既無間斷，則德之所修，有不期然而然者。此之謂也。伏聞殿下屢召儒臣講肄經史，進不已，非惟緝熙光明，抑以仰副聖上訓學之意，為國福祐，豈不偉哉。

擇術

晉元帝立子紹為太子，帝好刑名家，以韓非子賜太子。庾亮諫曰：「申韓刻薄傷化，不足留聖心。」太子納之。

太子是為
晉明帝

臣憚按申韓之學，非惟刻薄而已，且導人君以驕淫放恣。李斯嘗以誤二世矣，豈可以教儲貳者耶？庾亮雖清談之徒，然斯言則有益于世，故取焉。

謹習

漢景帝太子徹，聰明有智術，好詩書，善史錄。時竇太后尚黃老言，令太子諸王通讀之。太子獨能解其意，而心弗好也。每還宮，取儒書名法之術，習讀之。及初立，即能表章六經，罷黜百家，舉用俊茂，與之立功。至號令文章，煥焉可述。元帝贊曰：「元帝多材藝，善史書，鼓琴瑟，吹洞簫，自度。」

曲被歌聲分荆節度窮極幼眇及即位牽制文義優游不斷孝宣之業衰焉

臣惓謹按保傅篇陳教太子首以所習為言蓋謂性相近習相遠也且常人所習或違遠善性猶云不可况生長深宮極于富貴者可不慎欵如武帝之黜百家尚儒術尊先王之道知所統守容受直言好賢不倦正由謹其所習于初故也逮其孫孝元習音曲為樂至牽制優游不果于斷二君之用心賢否可不鑒哉然仁孝禮義詩書射御乃所習之正也今

殿下仁孝恭謹聞于中外在移養嗣德之初能所習皆正無一念不謹臣知雖放心快已之事日陳于前不能奪已成之習已定之心矣如此其于守成持盈何有

同日又核

承華事略卷三

聽政

元魏太武帝燾少聰明大度既立為太子明元帝詔
臨朝為國副主以長孫嵩宿德舊臣歷事四世功存
社稷奚斤辯捷智謀名聞遐迩安同曉解俗情明練
于事為左輔坐東廂西面以崔浩博聞強識精察天
人穆觀達政要識吾旨趣邱堆在公專謹為右弼坐
西廂東面百官總已以聽帝時隱而窺之聽其決斷
大說謂侍臣曰以此六人輔相太子吾與汝曹巡行
四境伐叛柔服足以得志于天下矣群臣時奏所疑
帝曰當決之汝曹國主也

臣憚觀歷代明君皆令

儲貳監國政者正欲移養君體厭服臣下審明治道熟知民事為務猶

聖上今日之付

殿下豈時使經理机務習熟節目者哉然政之紀綱不逆審慎官爵勤恤民隱明信賞罰至公無私而已所謂審官任賢使能與我圖治也所謂恤民輕徭薄賦以厚民生也所謂明信賞罰使功罪允當聞者悅服也誠能如此雖堯舜之治不是過也

惟殿下留神省察

達聰

唐太宗問魏徵為君何道而明何失而闇徵曰君所

以明兼聽也所以闇偏信也堯舜氏闢四門明四目達四聰闢四門者謂開闢四方之門廣致衆賢明四目者謂廣視聽於四方使天下無壅塞雖有共鯨不能塞也靜言庸違不能惑也故曰君能兼聽則姦人不得壅蔽而下情通矣

臣憚謹按尚書舜典曰闢四門明四目達四聰蓋人君居九重之深所聞所見者不過左右前後之事此舜之所以達四聰也故遠聽于忠良者則聞所未聞偏聽於左右者則事多欺蔽伏惟

殿下方毓德春宮重光華夏于圖治有為之初達聰廣聽似為急務又傳曰審所以聽言受事則下不欺蔽矣如中統元年許諸人陳言以達聰之一端也

撫軍

春秋閔公二年左氏傳曰晉侯使太子申生伐東山
臯落氏里克諫曰太子奉冢祀社稷粢盛以朝夕視
君膳者也故曰冢子君行則守有守則從曰撫軍
守曰監國古之制也

西漢高帝紀帝征淮南王布乃發上郡隴西車騎巴
蜀材官及中衛卒三萬人令太子監撫關中
唐順宗為皇太子德宗幸奉天太子常親執弓矢率
軍後先導衛及戒嚴朝夕巡城傳宣撫慰督勵戰士
故感激奮發氣益百倍

臣憚切見

聖上往年詔

殿下領樞密院事正古昔撫軍制也每歲

車駕巡幸兩都以萬乘之富六軍之衆如大獵以

軍律驅馳宿衛按羽林環布

殿下躬行扈從所當齊整軍容撫慰將士使遠忘

跋涉之勞日聞歌舞之樂

天仗所臨宵嚴晝肅致

鸞輅清寧省方之外無他

軫慮誠臣子起居之大節也至于樞府軍務比之

先日尤宜仰留

睿筭延天下安不忘武備之義也

明分

西漢成帝紀曰帝為太子寬博謹審初居桂宮上嘗

急召太子出龍樓門不敢絕馳道上遲之問其故以
狀對上大說乃著令太子得絕馳道云
唐肅宗紀曰初立為皇太子有司行冊禮其儀有中
嚴外辨其服絳紗太子曰此天子禮也乃下公卿議
蕭嵩等請改外辨為外備絳紗衣為朱明服乃從之
臣憚曰甚矣名分之不可不明也何謂名公卿大
夫是也何謂分君臣上下是也一或不正何止動
生悔吝且有事言不順之忒矧
太子正名辨分者也使天下明知
儲副有尊君卑臣之德異日撫臨萬邦安有干名
犯分事言不順者哉如漢成之出龍樓門而不絕
馳道肅宗之易絳紗而改服朱明誠可以為後王

之法云

秋澗先生大全文集卷第七十八

同日又校

秋澗先生大全文集卷第七十九
承華事略卷四

崇儒

漢明帝始為太子。世祖拜桓榮為博士。授太子經。令止宿宮中者五年。榮嘗寢疾。太子朝夕遣中傳存問。賜以珍羞。惟帳後為少傅。以太子經學成畢。上疏陳謝。太子報書曰。莊以童蒙。學道九載。而訓典不明。無所曉識。夫五經廣大。聖言幽遠。非至精孰能與於此。况以不才。敢承誨命。昔之先師。謝弟子者有矣。今蒙下列。不敢辭。願君慎疾。重愛玉體。

唐玄宗初為皇太子。太極元年。親釋奠於國學。命右常侍褚無量開講孝經及禮記文王世子篇。太子問

疑義數條。無量皆依古典以對。微加規諷。太子悅。賜無量物百段。及學官胄子。賜各有差。

順宗立為皇太子。喜學藝。禮重師傅。見輒先拜。

臣惲觀明帝之奉書報謝。順宗之見師先拜。

聖上之立國學。教胄子。

殿下之選儒士。講經典。皆以尊師重道故也。然尊其師。必崇其教。夫子之教。克舜文武之道。克舜之道。三綱五常是也。夫子修而明之。故為百代帝王之師。切見方今文儒之事。關係教化。曠而未舉者。數事如學校未興。人材無所育。儒戶未復。士風絕于下。孔殿未修。帝師虛其位。襲封未定。祀事乏其主。洒掃未給。祖庭為之蕪。如或當行。惟

殿下留意其尊師重道之實。光賁千古矣。

親賢

漢惠帝為太子。招東園公綺。里季夏黃公。冉里先生為客。太子侍高帝宴。四人者從。年皆八十。須眉皓白。衣冠甚偉。上怪問之。四人各以名姓前對。上乃驚曰。吾求公數歲。公避匿我。今何從。吾兒游乎。四人曰。聞太子仁孝恭敬愛士。天下莫不延頸為太子用者。故臣等來耳。上曰。煩公幸調護太子。

元稹教本書云。唐太宗為太子時。引有道德者十八人為學士。杜如晦。房玄齡。虞世南。褚遂良。魏徵。蘇世長。蘇收。李守素。陸德元。敬頴。相時。蘇勗。子志寧。明孔穎達。蓋文達。許敬宗。雖開宴飲食。十八人皆在上。之失無不言。下之情無不達。不四三年。而名高盛。

古斯游習之致也

臣憚伏觀自昔茂建元良所以屬民望植國本故必妙選老成者德忠正賢良之士使左右前後朝夕納誨蘊崇其德而况

聖上預付

載

殿下以萬機之重其所急者莫親賢為最譬如作室小大之材須積以歲月然後棟梁稷闌隨濟厥用不然顧雖一本或闕終不能就其室况治天下之廣居乎嘗聞聖上龍潛至于御極二十年間百色之人遠召明揚旁及草野一旦置諸庶位小大隨材曾不乏用以致昭丕天之業開一統之基惟

聖神廣運亦被驅策者有所効耳其觀志繼行正在今日惟殿下留意

去邪

邢峙仕高齊為四門博士以經授皇太子厨宰進食菜有邪蒿者峙令去之曰此菜有不正之名非殿下所宜食文宣聞而嘉之賜被褥縑纈賈誼書周文王使太公望傳太子及嗜鮑魚而太公弗與曰禮鮑不登俎豈有非禮而可以養太子哉臣憚按二者食物之微古人之養太子皆却而不進其嚴如此矧邪枉不正之人所宜近哉故司馬光曰太子之教雖前後僕從亦必孝悌端良之士

誠有旨哉

納誨

晉元帝立子紹為皇太子。以溫嶠為中庶子。深見寵遇。與為布衣之交。嶠數陳規誨。甚有弘益。又獻侍臣箴。其略曰。無以處極利。在永貞。思有虞之烝。遵周文之翼。晨昏靡違。夙興晏息。師傅是瞻。正人在側。屏彼佞諛。納此亮直。稽古訓導。懼道未融。造膝詭辭。各將蘊崇。鑒于九二。天祿永終。太子皆嘉納焉。

臣憚按晉太子紹初在東宮。以韓非子不足留心。已從庾亮之言。復納溫嶠箴規。至多弘益。故能遇事損抑。謂止建西不妄舉動。征謂王敦不親也。宜其號兩晉賢明之主。良可鑒也。

承華事略卷第五

幾諫

東漢光武紀曰。帝每日視朝。日昃乃罷。數引公卿郎將講論經理。夜分乃寐。皇太子見帝勤勞不怠。承間諫曰。陛下有禹湯之明。而失黃老養性之福。願順愛精神。優游自寧。帝曰。我自樂此。不為疲也。

唐順宗紀曰。順宗為皇太子。侍宴魚藻宮。德宗懽甚。顧太子曰。今日何如。太子誦詩。好樂無荒。以對。及裴延齡韋渠牟用事。世皆畏其為相。太子每候顏色。陳其不可。故二人卒不得用。

臣憚切惟子事父母。有承順從令而已。其或政令之非便。舉動之過差。而內發至誠。遠徵古義。周旋

規切達其善而已若諫之甚則傷恩又非臣子之所安故孔子以幾諫為言曾參以不逆為善又傳曰親有過子則降氣怡色柔聲以諫如明帝以頗愛而勸光武順宗以無荒而對德宗其於父子之間可謂得哉微規諫之理矣臣特表而出之伏惟殿下詳覽以光子道

從諫

漢賈誼保傅篇曰太子既冠成人免於保傅之嚴則有記過之史徹膳之宰進善之旌誹謗之木敢諫之鼓瞽史誦詩工誦箴諫大夫進謀士傳民語習與智長故切而不媿謂習聞規誨與智俱長故諫之化與心成故中祛道若性皆合於道如性自然也

晉明帝在東宮時太子起西池樓觀頗為勞費中庶子溫嶠上疏以為朝廷草創宜應儉以率下務農重兵太子納焉及王敦舉兵內向太子將自出戰嶠執鞞諫曰臣聞善戰者不怒善勝者不武如何萬乘儲副而以身輕天下太子乃止

臣憚以太子甫冠處深宮供子職而誼之說防閑諷誦之嚴如此其備似為過論然以宗社儲貳言之意在馴致涵養預崇懿德異時

重華繼照使易于從諫然後知古人念慮何深且遠哉况

殿下春秋鼎盛當監國聽政之初仁孝賢明聞于

中外欲虛已聽言，歛天下之明，以為已明，取衆人之善，以為已善，誠不難矣。

推恩

齊宣王坐于堂上，有牽牛而過堂下者，曰：牛何之？曰：將以釁鐘。王曰：舍之，吾不忍其觫，觫若無罪而就死地。曰：然則廢釁鐘，欲曰何可廢也？以羊易之。王若隱其無罪而就死地，則牛羊何擇焉？曰：無傷也，是乃仁術也。見牛未見羊也，今恩足以及禽獸，而功不至于百姓者，為不用恩焉。老吾老以及人之老，幼吾幼以及人之幼，天下可運于掌。言治天下其易如詩云：刑于寡妻，至于兄弟，以御于家，邦言舉斯心加諸彼而已。御衆邦皆舉已心加于兄弟，至臨故推恩足以

保四海，弗推恩無以保妻子。古之人所以大過人者，無他焉，善推其所為而已矣。人無過他事，能推其為

思惠

梁昭明太子統，孝謹天至，寬和容衆，聞百姓賦役勤苦，戶口未實，輟斂容色，重于勞擾。宮臣有老父母者，當遣存問，歲時加賜珍膳衣服。又見後閣小兒攤戲，屬有獄牒攤者，法士人結流，庶人徒。太子曰：私錢自戲，不犯公物，此科太重，令刑上三歲，士一人免官，或霖雨積雪，令行視閭巷，出襦袴以施貧凍，平斷法獄多所全宥，天下稱其仁。

臣憚伏見

聖上近年為征役煩重，例減差徭，山東被災，溥加

賑濟

殿下日者慮繫囚淹滯也減雜罪而輕之念鰥寡困苦也糞廩粟以濟之是皆

德澤鴻厖者也今

殿下朝夕聽理之事無非生民之利病時政之得失懷保惠和日深一日推是心而至于極又何獨哀庶獄之無辜見鬻牛之不忍哉若廣採博聽因利而利當更而更者寬得一分民受一分之賜矣昔唐順宗處儲位日每進見德皇必有諫說未嘗懈倦故天下陰受其賜者二十餘年正以推此心加諸彼而已

承華事略卷第六

尚儉

梁昭明太子統武帝長子出宮二十餘年不畜聲樂時俗稍奢以已率物服御朴素身衣浣衣膳不兼肉京師穀貴令菲衣減膳改常饌為小食普通元年甘露降于慧義殿咸以為至德所感云

唐太宗撰帝範十二篇賜皇太子其崇儉篇大略曰聖代之君存乎節儉富貴廣大守之以約茅茨不翦采掾不斲舟車不飾衣服無文土階不崇太羹不和非憎榮而惡味乃循薄而奉儉故風俗淳朴比屋可封此節儉之德也

臣惓切惟人君以四海之廣萬民之富居處服用

稍加華美未為過舉然帝堯以卑宮室稱聖君大禹以菲飲食為令主蓋儉者德之恭也侈者惡之大也兼儉德者化民之本上儉約則下豐足上侈靡則俗衰弊此必然理也伏見聖上自臨御已來稽古崇儉如禁酒醴造繒絲去塗金率以朴素為先殿下方監國守成之際宜觀志承訓以謹其始天下幸甚

戒逸

書益稷篇禹曰無若丹朱傲惟慢遊是好書無逸篇周公曰君子所其無逸昔殷中宗治民祇懼不敢荒寧享國七十五年高宗亦不敢荒寧嘉靖

殷邦享國^五立十九年自是厥後立王生則逸生則逸不知稼穡之艱難不聞小人之勞苦惟耽樂之從自時厥後亦罔或克壽

臣惴謹按臯陶謨無教逸欲有邦兢兢業業一日二日萬幾解者曰不可逸欲當兢業者以天下萬事叢于一身微而難察多而難窮一不克謹則所失甚大昔大禹克勤于邦惡旨酒好善言而惜寸陰恐為善日不足也臯陶尚陳戒如此後之嗣王春秋方盛者固當寅恭儆懼戒遠逸豫願養福壽則邦其永孚于休矣

審官

唐元稹教本書云貞觀以來保傅皆宰相兼領餘官

六時重選馬周以官高恨不得為司議郎此其驗也
文宗太和四年左庶子孫革奏青宮列局護翼元良
必用卿相子弟文學端士今以年月浸久漸至訛替
近年有流外出身者稽諸故事未嘗聞流外出身者
得廁此官當司有司經局校書正字品秩至卑而文
學之人競求者蓋以無塵雜故也今五局即資序本
是清品若授流外則此司官屬漸成蕪蔓請自今已
後不得注擬流外人勅旨准依

臣憚按唐高宗為太子太宗作帝範以訓內有審
官一篇今左庶子孫革云稽諸故事無流外出身
充東宮司局者正以貞觀以來餘官重選其流不
雜之意唐之選擇至嚴慎如此又嘗聞前金時東

宮官寮遭遇纂承一切改授謂之隨龍轉其恩例
名爵比常秩為特優遠觀唐制近視金法二者之
間誠有當取鑒者

初裕皇讀至漢成帝不絕馳道唐肅宗改服絳紗
為朱明服心甚喜曰孤若遇是禮亦當如此不
意古人已行之矣及邢峙止齋太子不食邪蒿
顧宮臣曰一菜之名雖食之豈遽能邪人哉詹
丞張九思對曰正人防微理乃固然譬猶於菟
雖渴不飲汚泉暍不寢惡木陰也
上喜其說而善之

元貞守成事鑑
臣憚再拜昧死謹言臣伏念叨忝祿仕以來三十五
年比者復蒙
先皇帝召至闕下授以翰職願惟衰庸思有以圖報
萬一幸遇
皇帝陛下嗣登寶位謹封上十有五事題之曰
守成事鑑皆逐事直說不敢過為言論庶便
觀覽謹列于后

敬天

王者為
天眷命貴為一人富有四海然隨其所行得失即降
鑒而災祥之此天人感格必然之理吁可敬也伏惟

陛下英明仁孝繼天而王如寶符應運慶雲開瑞年
穀登中外安足見天心眷佑深至然祀告者寅畏意
也政事者感格本也故臣採自昔聖賢敬天實德為
陛下言之夫抑畏顯命恒厥德而保小民者成湯也
嚴恭祗懼謹身而修政事者高宗也小心翼不順帝
之則者文王也夙夜畏威日靖四方者周后也傳曰
動人以行不以言應天以實不以文此之謂也三代
明君惟克若是故得申命用休享永年之祚幸
陛下鑒觀日新
聖敬

法祖

伏見

國家未有如今日之大心未若

世祖文武皇帝之聖者

陛下新即大位規模法度首為重事然先事者後事

之鑒

祖宗者子孫之法緬惟

先皇帝臨御天下三十五年之間洪規遠慮典章文物

粲然備具但未纂為一代成憲宜令有司條其綱目

不時鑒觀遵而行之譬猶弩之有机往省括于度則

發無不中矣為益有三使

祖宗良法善政永見於方來一也臣民安夫習熟易

于奉行二也繼述

先志茂隆孝治三也昔周武廣文王之聲永清四海

漢文遵高祖之法化洽多方又書曰鑒于先王成憲

其永無愆茲非明效歟惟

陛下留神覽察

愛民

天以至仁生萬物人君代天理物故當以仁愛為主

國家

太祖肇造區夏至于

先皇帝混一六合功成治定可謂至矣今

陛下繼体守文如周成康措世于安寧漢文景注意

于休息中外翹望正在今日所謂子愛實惠不出息

兵者刑薄斂而已茲者

肆赦蠲徭停罷遠征固得其要尚當究仁愛之本使

民永受其賜。夫敦化厚俗，使民自遠于罪，此乃省刑之本也。內修文德，外嚴武備，懷柔遠人，至不得已而用此，乃息兵之本也。躬先儉素，樽節浮費，不至厚取于民，此乃薄斂之本也。願

陛下擴充

詔條，日新庶政，何患德澤不被，声教之不廣哉。又江南版籍貧下者衆，去

朝廷遠，易動難安，尤宜慎擇守令，撫字有方，秋毫無犯，則盜賊自然消弭。所謂天下本無事，但庸人擾之耳。十羊九牧，誠可為鑒。

恤兵

兵民

國家大本二者互相為用，自昔視之如一。伏惟陛下即位之初，審其如是，首蠲民差，重恤軍役，可謂得愛養不偏之道矣。今寬恩已被於民，編實惠未霑於軍籍，竊恐

綸音徒深衆望。兼近年民間凋弊，凡有雜泛，與之合當，小戶何堪，實為重併。此當論者一也。軍籍自至元八年緣強弱不均，已曾推併。迄今廿餘載，新強舊弱，陡然不同。今一体應役，豈不偏重。其九年軍雖行合併，十一年簽者當時起遣，已足生受。此當論者二也。彼貧難者未免赴愬，自下而上，中間齟齬，比獲存恤，至甚不易。恐徒開有力者僥倖之門，終不能為貧乏無力者之地。至子癯老病弱等戶，雖寬限優養，譬疲

之犬馬終難復舊留之將安所用此當論者三也且
 國家用兵六十餘年今天下已平不可忘戰但講治
 之法與時高下者有所潤略幸遇
 陛下曠示洪恩作新國政比之以姑息為惠何若
 詔所司依八年例再行通閱使貧富適宜至公均被
 則福從中外豈不盛哉

守成

古稱繼體之君猶持盈守成盈者器之滿成者物之
 聚既成既盈手執身護一或怠則墮其成一或側則
 溢其盈可不慎哉伏惟
 陛下聰明睿智足以保臨即位之初追崇

祖考尊禮大臣息兵愛民慎官節用固以得守成之
 道臣所以孜孜為言者蓋以治安難恃驕怠易生故
 也昔唐太宗開創業守成孰難魏徵對昔之興乘亂
 覆昏殆天授人與既得則鮮不急驕有國之弊常由
 此起守成為不易太宗以徵言為然司馬光六曰夫
 民有十金產者猶思先世所致必苦身謹守惟恐失
 墜况享

祖宗奄有四海之業將傳于無窮當如何哉伏望
 陛下以司馬光言為鑒唐太宗之問為法豈惟
 宗社之福實天下幸甚若夫

聖子神孫既明其体不可不新其用敢略以四者為
 言纂武功平禍亂而一統者垂統之祖也尚文德以

柔道而為理者，守成之君也。仁義禮樂，乃治之具也。仁者政之德，所以固億兆易動之心。義者事之制，所以明政務當然之宜。禮者萬事之節，所以革去僭越，定上下之分。樂者聲音之和，所以蕩滌滯邪，決天人之氣也。此四者，先王致治要道，正在用之，何如爾。惟陛下垂察。

清心

心為一身主，萬善所從出。惟澄治不為物慾蔽遷，故得耳目聰明，志慮精一。况人君是心，包羅萬慮，經緯八方。苟非澄治，一或少差，得失係焉。昔二帝三王傳授治道，以心為本，然不出執中建中而已。曰中者，何無過之謂。中則天理之公，過則人欲之私。國之所以

治者，只在存此心。清此心耳。如此則或差之慮不生，至公之理可得。率至公之理，以臨制其下，孰不心服而化從。今陛下英明睿哲，氣志如神，事無微而不察，物無遠而不照。復能鑒二帝三王之執中，節嗜好，遠功利，使心鏡澄澈，昭然一德，照臨百官。雖萬幾前陳，酬酢聽斷，將無逃于聖鑒矣。其于守成持盈，何有。

勤政

人君代天理物，所當法者天也。天惟乾健不息，四時行而歲功成。君惟體之不息，帝載熙而百揆叙。故大禹業勤，邦明德垂。百王之法，太宗攷之，為治貞觀。

有三代之風後之君人者可不鑒哉哉况軍國大事日有萬幾須敷奏以時聽鑒有所今殿庭慶宴已有定儀視朝之禮尚曠而未行之正也在今日勤政之實無踰于此

尚儉

夫上儉約則下豐足上侈靡則俗凋弊此必然之理也故先皇帝崇尚儉約如重紬繒而輕紵衣去金飾而朴鞞履服用婚嫁一切有制以奉行漸遠不無稍緩今臣民衣著等于是貴戚婚嫁聘財踰于公卿其僭越暴殄有不能供給者如漢文景時海內富安風俗淳厚蓋示以敦朴率先天下故也今

陛下新即大位尚儉去奢最是切務且天之生財必供一世之用今

國家財賦至廣每歲支持不易者蓋事勝于財故也為今之計省事節用量入為出以過有所費為戒者管金世宗時有以不給而請者世宗曰汝輩何駭殊不知府庫之財乃百姓財耳我但總而主之安敢妄費至今稱為君人至言可不鑒哉

謹令

臣聞號令者布德澤宣壅滯法天順民者也猶天之雷霆一出而不可掩故書曰謹乃出令令出惟行弗惟及唐太宗云云茲辨施令當永為式須審定而不輕出今

陛下受命惟新萬務伊始吏民奉行期于至治可不
謹而一之如政有所必革事有所當行發自

宸衷詢之輔相稽

祖訓則例明協民心則允協如是而行既謹且一則

威肅而民信

君尊而國安又舊例軍國事

省與臺院一同奏

聞有所未當即議從所長當時行之甚為便益自今

各行專達既不通知事或窒礙必須更易其於大體

不無少虧宜申明舊例且防壅蔽天下蒙幸

立法

法者輔治之具一日闕則不可歷觀自古代有成憲

子孫守而不失如周之六典漢之九章是也今

國家有天下六十餘年大小之法尚未定議內而憲

臺

天子執法外而廉司州郡法吏是具司理之官而無

所守之法猶有鑿而無藥也至平刑議斷旋為理

未免有酌量準擬之差彼此重輕之異臣愚謂宜將

先朝擬定律令頒為元年新法如是則法無二門輕

重適當吏安所守民知避而難犯以繼述之大事也

重臺諫

臣聞臺諫者天子耳目朝廷紀綱耳目聰明則事無

壅蔽紀綱振厲則朝廷肅清惟係重如此故權不宜

使之輕氣不可使之沮否則聰明自蔽綱紀自緩將

何所賴。惟職專糾彈不悅者衆。又近年已來被覈者欲緩已罪。返行誣告。權臣因之沮抑。靡所不至。究其無實。多不抵坐。致使邪氣轉盛。正人結舌。根本內撥。枝葉外瘁。甚失風憲。大體故。古人有言。鷹隼獲禽。獵人隨護。不然。返為物傷。可不念哉。昔裕宗皇帝聰理東朝。審其如是。力為扶持。今陛下即位之初。特為倚重。一切所行。率由舊章。悠久如是。豈惟肅正朝綱。聰明有賴。執法明而尊嚴之道備矣。臣愚表而言者。為天下賀。

選士

伏覩

先皇帝在潛登極。四十年間。招延側陋。尋訪後人。略無虛歲。得士之多。於斯為盛。以選擇難精。任使幸用。設科取士。嘗有定議。計古今治道。良法美意。行之略遍。獨此未及行耳。比讀詔條。節談議貢舉之法。可謂得先帝遺旨矣。况科舉取士。歷代講究。既公且當。無喻於此。若將十一年已定程試格式。舉行甚允。當也。但科場停罷日久。欲收實效。行之不可草略。必先整學校。選教官。擇生徒。限以歲月。方可考試。如是則能得實材以備國家無窮之用。臣愚所以為言者。選取人材。取為方今切務。不可緩也。頃年

世祖皇帝暨裕宗皇帝所以將行而未遑者天其意者欲以遺
陛下俾為今日守成致治之本歟

慎名爵

書稱官爵天秩王者不可私以予人何則礪世磨鈍
鼓舞一世使天下之人奔走為吾用者正賴此耳惟
賢惟能然後授之尚慮得之輕則視之輕視之輕則
人不重人不重君子恥而小人至矣今四海一家廓
然無事收攬威權正在今日
朝廷宜重而惜之不輕與人謂如李唐季年使職或
帶相銜初無分省實權何則既遠
關廷豈容別置省府所以然者蓋七金南渡後一時
權宜不可為法其勲伐者當如漢唐封加官爵夫有

功勞者酬以官爵有材德者任以職位此人君御下
之術也未聞以輔相之職為賞功之官者宜講明典
故別議施行

明賞罰

賞罰為國大柄惟政先定體官有定員則本柄可行
能責人以成效況古人為官擇人後世為人擇官職
此之由政本不立遂成冗濫此古今通弊也故唐太
宗貞觀元年首明致理之本任賢去冗定文武官才
六百餘員金世宗即位之初專以廉能責下遣官分
察州郡以三等大明黜陟第一等進官一階秩滿升
加遷擢其行濫不職者第一等比聞
並除名第二第三等俱解職比聞
詔有司減官增俸是將汰冗養能正此意也頃年已

嘗定奪、緣事重責、大行之有所未盡、今者之舉、非斷
自宸衷先定、體而行之、恐無異于前時、臣故曰、減冗員、
莫若議新制、責庶能、無如明陟、內則尊太宗、以為
法、外則取金朝、以為鑒、若此、孰不承夙振厲、庶幾名
寔而得、漸消苟且、因循之弊、則貞觀三代之風、大定
惟新之治、恐不專美于前代矣。

遠慮

伏見陛下纂承以來、時和歲豐、萬方晏然、可謂既安且治、
似無所可慮者、然自昔明君不狃安目前、常存深遠
之慮者、益事生于細微、患成于所忽、故易以履霜、堅

冰為言、書以不見是圖為戒、又賈生有云、天下大器
置諸安處則安、置諸危處則危、且以方今論之、如備
禦邊防、廣修馬政、謹規貯、撫安新附、降德音、擇官隄防、
水旱積常、平儲蓄、敦厚風俗、興學校、敦孝廉、重德、
清官吏、禁吏虛、能絕請謁、可遠謀而深慮者、豈皆無之、
惟在究其所未然、而圖其所當置、則致治保邦為不
難矣、何近憂切、患之有哉、故傳曰、遠乃猷、又曰、君子
思患而預防之、皆聖人以遠為慮也、幸

陛下鑒觀、毋以目前之安為安、惕然以久遠治安為慮、恐

先皇帝付托遺意、正在于是、臣又聞愚者千慮必有一
得、狂夫之言、聖人擇焉、臣所進言、固迂濶淺近、倘

一有可采自隗而始則忠言謹論訖自至矣惟
陛下省察臣不勝俯伏待罪恐懼之至臣憚昧死再
拜謹言

秋澗先生大全文集卷第七十九

廿八日校

秋澗先生大全文集卷第八十

中堂事記序

余自穉歲讀書頗有志于世甫及壯年彈冠應

聘適際夫

風雲慶會千載一遇之時荷囊載筆從事其間以至
密邇論思酌酢吏務霑香紅藥之階接武

雲龍之地若有所遇而大有以為也不圖爾後蹭蹬
于仕途者廿餘年回視嚮之鴈行而請署者川泳雲
飛觸目皆是比量薄分蓋有無非命者况今日就衰
謝百念灰冷有求田問舍躬畊種樹而已然覺吾身
中耿者尚在及閱故書復得當時直
省日錄觀其諸賢

聚精會神於一堂之上，所以開太平之基，播無疆之

休者，班、班、可見因略為修飾，題之曰

中堂事記，庶幾有闕是編者，知予生長明時，雖無寸

補，亦嘗饜

邦家之光，為閭里之榮也。藏之篋笥，固不敢以千金

享之。異時有索野史，求史臣中舍之所遺逸者，不無

一得於斯焉。至元二十四年丁亥歲秋九月七日前

翰林修撰同知 制誥兼國史院編修官左司都事

秋澗老人謹序

中堂事記上

庚申年春三月十七日

世祖皇帝即位於開平府，建號為中統元年。秋七月

十三日，立行中書省於燕京，劄付各道宣撫司，取儒

士吏員通錢穀者各一人，仍令所在津遣乘驛赴省。

惲亦忒預其選。是年冬十月至燕，以三書投獻

相府。大率陳為學行已達辰致用之意，頗蒙慰獎。令

隨省通知計籍，使綜練衆務，日熟聞見焉。時

行中書省官四員

丞相禡、資嚴厲，凜然不可犯。

平章政事王文統，字以道，大定府人。前經義進士。

平章政事趙壁，字寶臣，西京懷仁縣人。以氣量雄天下。

叅知政事張易字仲一太原交城人資剛明尚氣臨政善斷待士以誠忤之不復與合

即中

賈居貞字仲明真定獲鹿人金尚書右丞益謙之孫資聰敏有左氏學通諸國譯語

員外郎

王德容字仲寬河間將陵人部令史出身

張桐字子華燕人班祇令史出身

邢敏字公遠京兆人部令史出身

都事

劉郁字文季渾源人

王德輔字良臣陳州商水人經童出身

提控令史

李惟彙字舜臣西京人前進士

楊文卿

術甲謙字和之遼東人

楊恕字誠之

左房省掾

馬璘字文玉燕新城人後叅知揚州行省事

樂思齋字齊賢燕人

王文蔚字仲玉東平人終濟南經歷官

劉傑字漢卿益都人

王守正字賢之新城人

宋筠字庭秀大名人士今為京兆屯田總管

楊顯字伯榮鎮之無極人

楊湜字彥清鎮之藁城人

楊珍字國寶鎮之中山人

蔡玠字庭玉相州人

馮處厚高唐人

高明字柔克汴梁人

陳鼎字取新真定人

閻沂字巨川行唐人

李壑字裕卿相人

右房省掾

袁裕字仲寬孟州孟津人終順德總尹

李鼎字器之相人

劉作字述之柘城人

吳璧字國器邯鄲人

張安仁字壽之

宋璋字國寶柘城人

梁德佐字輔之燕人

張適字濟之平梁人

劉濟字巨川

周鼎字器之燕人

張楫字巨川覃懷人

架閣庫官二人
邊字正卿德興人經童出身

王和卿太原人

典吏六人 劉謙字伯益

盧慎字順之洛州人

侯康濟字仲澤真定人

王顯卿能岳人黃華姪孫

趙文輝字克明燕人

張瓚燕人

斷事官

阿虎牙

麥肖

曲尺八合赤

唐古解

老塔察兒其子燕真今復為斷事官

亦稔哥

幹脫赤

忽都奉

御

奏事官

楊仁風字文卿潞州人今為真定等路宣慰使客省使一人

班達直字舜卿山陰人

奉使三人

孟甲字文伯太原介休人嘗奉使大理有光遠功

武茂字茂卿平定州人終鄧州統軍

劉芳字世傑中山人

知省印二人

許楫字公度太原忻州人

杜字純甫

通譯使四人

阿里和之西域人 道奴大哥

王合刺

王炳字煥卿太原人

宣使六人

李顯祖字顯卿相人

蒲散禧字仲康終涿州尹
王好礼字立夫真定人

楊帖木兒

甯澣字清甫平陽洪洞人

夾谷忽都虎今為真定等路宣慰副使

回譯史一人

麥朮丁其所譯簿籍搗治方厚尺紙為葉以木筆批
書普速蠻字該寫眾事紙四隅用綫穿繫讀則脫
而下之今為平章政事

書填勘合令史三人

馮崧字壽卿今為河南北道按察副使

馬紹字子卿

李從周字文則東平人仕至東朝斷事官
掌故二人

馮渭字清甫真定人亡金松庵之子省令史出身
完顏良輔亡金省知除房令史

詳定官三人

楊威字震亨太原太谷縣人治春秋義
張永錫字孝純太原人

周止字定夫濱州人資強發有口多記前人利害事
條因言事見稱在當時有足觀者都堂懸其卷於
幕中用勸來者自是游道頗廣嘗權右司都事

講集太常禮樂官三人

許靖字唐臣安平人以三策終場試太常檢討

郭伯達 党仲和 皆東平人 同講究勾當 編類一切儀禮及祀典 合祭諸神等事

肆習 拱衛事官一人

時令彩畫 畫寫駕一切儀仗 服色等物 及教習 隨取到控鶴 寺人 授拱衛大使

省理問官三人

蔚祚 字天祿

人 律科出身

邊 字邦傑

人 律科出身

張雲鵬 字鵬飛 燕人 今任浙西憲副

掌記一人

魏初 字太初 順聖人

魏學士 姪孫思廣之子 初掌書記 紹為邊 幾何 迄今 增益 幾何 餘皆類此

檢法 兼緣堂一人

沈侃 字和卿 大名人 法律出身 終陵州同知

堂厨 局長一人

張抄兒 赤

省醫二人

元鋒 字振之 獲呂人

楊庸 字君卿 燕人

鑄印局官三人

劉淵 字仲廣 濟南人 劉狀元子

劉驥 字思齊 通州人 前進士 劉晉德 新子

王利用 字國賓 大都人

交鈔提舉司官三人

張介 字介甫 燕京人 部令史出身

梁 字秀實 燕人

王煥 字紹明 又有抄紙房 印造局 織造銀貨局

元寶 總庫官

李元 字唐卿 河南維氏人 前進士 策 王鶚榜

權貸司官二人

郭儀 字宜之 真定人 部令史出身

王諤 字諤臣 燕人

萬億 庫官二人

魏祥 鄉魏學士姪

交鈔 庫官二人

高澤 字濟民 平陽人

路 字子敬 潞州人

刻本作二人實止一人

應辦供頓官四人

郭汝梅 燕人 終南京總管

重陽 二哥

斜飛 西域人

李瑞 字天祥 潞州人 吏員 終襄垣縣尹

到省聽任人員

康天英 字國才 相人

胡祇 通字紹開 武安人 終山東按察使

李謙 字受益 今翰林侍讀學士

劉宣 字伯宣 太原忻州人

韓瓚 字寶之 平陽人

馬天驥 字彥良 磁州人

陳祥字君祥大名
張煥字彥明濟南人終博州總管

劉仲祥東平人
張適祖字仲賢順天人終淮東宣慰副使

白俞字舜俞今為濱州太守
吳讓字謙甫

時選至省者士人首以有無生理通曉吏事為問及
取要所業文字蓋審夫資身之術或能否從事及手
筆何如耳又擬以士人充省掾吏負補兩部令史東
平大夫李謙聞之不欲吏辭去
時堂議擬令諸掾巾裹一衣卓服仍佩書袋於上或
曰書袋廢已久驟用恐駭觀听若巾裹服止卓褐二

色儘表於衆遂行焉

是月勅建葫蘆套省倉落成號曰千斯時大都漕司
勸農等倉歲供營帳工匠月支口糧此則專用收貯
隨路僭漕糧科祇備應辦用度及勘會亡金通州河
倉規制自是船漕入都常平救荒之法以次有議焉
諸投下五戶絲料譯語自來就徵於州郡
堂議云如此是思不

上出事又不一於政體未便奏准皆輸大都總藏
每歲令各投下差官赴省驗數開支

其法每戶科絲二十二兩四錢二戶計該絲二斤
一十二兩入錢其二斤即係紬官正絲內正絲色

絲各半外將每戶贖餘六兩四錢備至五戶滿二斤數目付本投下支用謂之二五戶絲以十分論之絲官者七分投下得其三焉

十一月甲子朔二日巳丑時夜禁甚嚴慮公幹有礙令有司置夜行白油木牌雖官府貴近非此不敢輒出往時一切無賴等入侵暴不法之事盡行歛息

時應乘驛馬皆從省府給降劄子堂議亡金時馬劄子上盡墨桃紀數今宜印以墨馬遂用之如三匹者三馬五匹者五馬仍用省印以傳其上

癸酉濟南宣撫司申宣撫副使王磐先生字文炳永年翁進士第道孫鹿菴官至翰林承旨學士致棄職去相府以憚係王席生令作書云省堂意招留之廼執覆曰

鹿菴先生人品高邁宜膺大受不可處之人下雖招之恐終不應不若從其好遂止

初行六部所會東平路民賦帳冊或有言未盡者堂議欲覆實之令周止劉芳王憚等置局磨勘都事劉郁領其事於上憚等力言其不可不允至于再三

曰往事不宜究問此若一行非徒無益適足取怨兼眾怒不可犯也宜詳思遂寢時眾陳言等人以中元所降

詔書內一款節該有上書陳言者皆得實封呈獻若言不可採並無罪責如其可用朝廷優加遷賞以旌忠直至是日有言以求用

堂議令詳定官分間其言為三等如體用兼備切中

事機文彩可觀者為上。雖乏文華，其指陳利害，有興除之方者為中。餘皆為下。除見區處人數外，其餘量給路費，省會寧家聽候。

十二月甲午朔時，於省東織造局置司，集諸路計吏類校一歲簿帳，時相領務者退食後，日一至按閱程務，有未便即改立體式，肅如也。

詳定官楊威以星變陳書省官，宜解機務以避賢者。不然且有**大咎**。先生名威字震亨，洛之永安人，資剛直，敢言，通天文，知兵，金末嘗從事陝右，以勞充帥府議事官。至元十年，襄陽降，安撫撫呂文煥過磁，先生以詩謀之，有云：設若汝不來，宋祚能有幾。須知李陵生，何若張巡死。呂以白金贈之，不受，壽八十，終州教官。有文集若干卷，其為文思致甚，故詩其所

云長壬寅夜，大風雪寒苦，時中省官僚未明已即事，過曉始散。是蚤僚屬有後至者，省官諭之曰：風雨晦暝，常

情例懈在公者，當風興益勵，可以辦集而儆其餘也。闔省為惕然，又曰：百姓宜安，刑罰宜省，稅歛宜薄，寬抑宜察，追呼宜簡，判決宜審，用度宜節，興作宜謹，燕會宜戒，思患宜豫，防此雖古語，于治道且盡，可不慎哉。燕省自來置廢官西堂上，囂隘近市，不稱具瞻，以移省事上聞奉。

聖旨遷西王府其

列聖神主奉安聖安寺，瑞像前殿，明年以舉善老故府為省署，仍以金都省舊額榜焉。

時又于烟霞觀，攝委房長纂類一切合奏機務，如錢穀數目事，比附舊例多寡，有本有末，使見即日優劣，大槩總撮要領，從簡易知，極其略，殆筭記之體云。

中統二年辛酉正月癸亥朔 丞相禡、行帳頓拜
 如臺下省事日集樂遊南園劉行省從便首相故也
 癸酉左司都事劉郁被譴既而辭退堂議以前進士
 楊恕代焉恕字誠之金內相文獻公子皋落人任義
 省府為發下中統元寶交鈔榜省諭隨路其文曰省
 府欽依印造到中統元寶交鈔擬于隨路宣撫司所
 轄諸路不限年月通行流轉應據酒稅醋鹽鐵等課
 程并不以是何諸科名差發內並行收受如有諸人
 賚元寶交鈔徒便却行赴庫倒換白銀物貨即便依
 數支發並不得停滯每兩止納工墨鈔三分外別無
 尅減添答錢數照依下項擬定元寶交鈔體例行用
 如有阻壞鈔法之人依

條究治施行據此須議出給者

一諸路通行中統元寶銜下買賣金銀絲絹段疋
 斛斗一切諸物每一貫同鈔一兩每兩貫同白
 銀一兩行用永為定例並無添減

壹拾文 貳拾文 叁拾文 伍拾文
 壹百文 貳百文 叁百文 伍百文

壹貫文省貳貫文省文者如七寸足陌八十足陌若使同銅錢
 便省官司利益鈔文故先作文者二字

一各路元行舊鈔并白帖子止勒元發官司庫官
 人等依數收倒毋致虧損百姓須管日近收倒
 畫絕再不行使仍于庫司門首張掛
 省諭諸人各令通知

照勘隨路祇應中間多涉冒濫議欲行批券法曰此
 法止可約束委奏差疾足而已達官巨僚不能盡然

遂止明定分例行下各道

時圖寫歷代君臣可法政要及自古太子賢孝等事

祇備向前進說

十日壬子親衛董文炳字彥明藁城人來自北庭知

我軍大捷中外稱慶

省府議所有合行事理劄付各路宣撫司榜諭者其

文曰

皇帝聖旨裏行中書省禡為頭官員欽惟

皇帝即位之初下寬大之

詔卹疲困之民除舊弊立新政條畫非一期于民共

享有生之樂省府恭承

聖訓方將撫治間大軍調發供給軍須轉輸糧餉逐

急催辦文繁事冗不無少有騷動照得續奉

詔書節文軍方弭而復興民甫休而再擾欽惟

聖憲已嘗軫念及此蓋遇一時之變者難拘定例圖

遠大之功者未免有勞人費物之舉凡此等事皆非

得已為天下害也近奉

聖旨節文

大幹魯朶人來也其餘軍人與民戶每亦多投拜了

也即日無咱每迎敵底人也省諭軍民安業務農者

欽奉如此欽惟

皇帝仁民愛物之心自今已往復得盡行施設今照

得已來行事理條列于后務要實行非止虛文而已

合行榜示者

一軍馬之事。糧草為大。近為大軍調遣。方當征進之日。未見迴軍之期。省府扣算年銷。所用糧料。稈草。驗諸路均科。除各處存留。祇應外撥。赴軍儲省倉。分作三限送納。省府非不知民力困乏。遠倉生受。緣為軍儲必用之物。若不乘此農間。時分送納。將來失候。軍儲不免再行動眾般運。如此則今日之勞。却無春夏之時也。至日不惟雨水泥濘。民力轉致生受。又是妨奪農務。失候歲計。所費又甚于今日也。近奉

聖旨。已將喂馬草料。槽莖等物。盡行住罷。省府恭承聖訓。恤民之意。據已科遠倉糧。以三分為率。初限一分。展限至年終。赴所指倉。分外中末限二分。至

今年二月終。盡數改撥。各就附近河倉送納。上是帶納水運脚錢。將來官為雇脚般運。再不動民扣算。今年遠倉糧數。比附上年各處。赴軍儲遠倉稅糧。三分中。爭一分数。少亦是減省民力。即日年銷糧料足用。仰省諭農民作活。

一欽奉

聖旨。罷散喂馬稈草等事。省府照得。已曾行下各路。宣撫司將已納到官草數。除各路年銷外。盡數給還本戶。若有未納者。亦行停罷。並將元准備夫役槽莖等。盡數教散。歸還去來。切恐所在官司。因而作弊。私下拘占人夫。槽莖。仰宣撫司照依已行罷散。據各還本主數目。遍行省諭。無得

隱匿尅減務要實到于民

一今為軍馬調度凡衣襪器仗馬匹等物省府委
官支價收買并般運糧斛脚力駱駝車仗皆係
官錢產覓外據毛連夾袋止是借倩民力縫造
並無賒借科着等事切恐在下官吏等中間作
弊指托軍須為名一面揭借或有名和買不支
價錢雖支價錢却行尅減上下蒙蔽以致人難
深失

朝廷優恤百姓之意如有似此作弊之人許令陳告

以憑究治施行今後遇有合用物件依前支價
和買

一為去歲桑蚕田禾間有災傷去處欽依

詔書已令各路宣撫司驗災傷分數從實減免差發

外不被災地面亦令量減分數如此存恤猶恐
人難又以漏籍并老弱等戶協濟本處當差戶
計庶望民力少得休息外據宣課事亦令驗委
實偏重去處量行減免所有鹽貨聽從民便買
賣食用並無椿配給散之家此皆

聖主仁政之所先也仰宣撫司照依已行事理施行
一欽奉

詔書今後各處應有久遠安屯并時暫經過軍馬合
用糧食于官倉內驗數支給却不得搔擾人民
仰各處管軍官管民官遞互相照省府照得即
目春首正及二麥滋榮桑菓生發布種五穀時

分切恐經過軍馬并屯位營寨人等收放頭疋
食踐田禾咽咬桑菜樹木及強要酒食欺奪物
件搔擾不安失悞農民歲計阻礙通行客旅仰
宣撫司行下各管官司欽依已奉
詔書事理依上照管禁治若有不能苛遣者開具緣
由申來以憑究治施行

一欽奉

詔書農桑衣食之本勤謹則可致有餘慵惰則決至
不足正賴有司歲時勸課省府照得即日春首
農作時分仰宣撫司令已委勸農官員欽依所
奉

詔書于所管地面內依上勸課勾當務要田疇開闢

桑麻增盛無得慢易仍于歲終考較勤惰明行
賞罰以勸將來

一欽奉

詔書鰥寡孤獨廢疾不能自存之人於官倉內支糧
賑贍仰宣撫司令所在官司依上賑贍仍置孤
老院存恤住坐

一隨路罪囚除犯重刑聞

奏待報外其餘罪囚仰宣撫司審問得寔別無冤枉
就便量罪斷遣無得留滯

一体究得隨處盜賊往來生發侵害良民蓋是所
在官司不曾嚴行禁治深為未便省府近為燕
京多被盜去處明立罪賞嚴切夜禁督勒官兵

捕盜人員將作過賊人盡數拿獲依
條斷罪仰各路宣撫司通行所屬州縣若有失
盜去處照依燕京條例添氣力多設方略隨時
捕捉明立賞格嚴行懲誡如有捉獲強盜之人
除官賞外更于賊人家產內給付充賞若有同
伴賊人并安泊之家及兩隣知而不首者同罪
失覺者量行治罪
一若有游手好閒不給家業賭博錢物開張酒肆
之人仰所在官司常切禁斷如有違犯者就便
治罪施行
一州縣之治俱在官吏若得其人百姓安集差發
均平苟非其人定是差發不均民被其害不有

點陟賞罰何由激勸懲誡據本路見任官吏如
有賊污事者國有常典其才能異衆廉幹可稱
者仰宣撫司開坐事跡保申來以憑聞

奏超擢任用施行

丁巳元夕大風雪晝暝有衆盜劫民家是晚官寮聚
省出重賞捕賊明日獲焉

二月癸巳朔五日丁酉行省官奉

旨北上後三日憚與偕行者周定夫已刻遇河南維

略使史公於居庸南口相與迎謁道左公問碼相所

在曰次西南上樓村公相見而去知

車駕回鑾北兵已敗遁去行者居者為熙然也前次

北口店復有音山北寒沍可緩來遂還是日遇張國

公於中店說見賈亡金寶錄赴省呈進省官時繕寫
進讀大定政要得此遂更為補益之
時鈔法初行惟恐滯滯公私不便省官日與提舉司
官及採眾議保為講究利病所在其法大約隨路設
立鈔庫如發鈔若干隨降銀貨即同見銀流轉據倒
到課銀不以多寡即裝採各庫作本使子母相權准
平物估鈔有多少銀本常不虧欠至互易銀鈔及以
昏換新除工墨出入正法外並無增減又中間閑防
庫司略無少弊所納酒醋稅監引等課程大小一切
差發一以元寶為則其出納者雖昏爛併令收受七
道宣撫司管限三日午前將彼中鈔法有無底滯及
物價低昂與鈔相礙於民有損者畫時規措有法以

制之在都提庫印到料鈔不以多寡除支備隨路庫
司閑用外一切經費雖緩急不許動支借貸其錢貫
顯印鈔面將來以錢鈔互為表裏此張本也時週歲
包銀六萬餘定鈔數纔及五十餘萬堂議嘗云若
印至百萬所獲鈔息可盡免天下包差蓋以平準貿
易諸物一歲民間毀廢不償皆為官息也又當時鈔
法有甚便數事艱得一也經費省二也銀本常足不
動三也偽造者少四也視鈔重于金銀五也日寔不
虛六也百貨價平七也

二十一日己亥未刻淮海都督府申宋人圍我海州
堂議飛奏外命憚賈省檄馳海青傳催發經略史公
令率河外諸軍往援既啓行隨得報云宋人已退走

遂止

二十二日使來趣闔省北上越

三月壬辰五日丙寅未刻丞相禡禡與同寮發自燕京是夕宿通玄北郭偕行者都事楊恕提控木甲謙詳定官周止省掾王文蔚劉傑

六日丁卯午憩海店距京城廿里凡省部未絕事務

于此悉行決遣是晚宿南口新庄距海店七十里

戊辰卯刻入居庸關世傳始皇北築時居庸徙于此

故名兩山巉絕中若鐵峽少陵云硤形藏堂隍壁色

立積鐵者蓋寫真也控扼南北寔為古今巨防午憩

姚家店是夜宿北口軍營月犯東井鉞星或者云斧

鉞用兵之兆距南口姚店三十里而遠

己巳辰刻度八達嶺于山兩間俯望燕城殆井底然

出北口午憩棒樺店天容日氣與山南絕異以暄涼

校之爭逾月矣午飯榆林驛其地大山北環舉目已

莽蒼沙磧蓋古媯川地也是夜宿懷來縣南距北口

五十三里縣東南里許有醴泉井水作淡鵝黃色其

曰玉液即此出也官為置務歲供

御醪焉

庚午泊統墓店詢其名土人云店北舊有統軍墓故

稱是夜宿雷氏驛亭地形轉高西望雞鳴山南眺桑

乾上流自奉聖東諸山下注白波洶湧若驅山而東

雞鳴山者昔唐太宗東征至其下聞雞鳴故名東南

距懷來七十里而遠

辛未午刻入宣德州申刻 使者也鮮乃至傳
旨趣令諸官速赴

行殿是夜宿考工官劉氏第

十一日壬申候禡相為一日留蓋有所需也距雷氏
驛九十里

癸酉行六十里值雪宿青麓

十三日甲戌至定邊城憇焉蓋金所築故城也是夜
宿黑崖子距青麓九十里

十四日乙亥抵確場峪蓋金初南北互市之所也是
夜露宿雙城北十里小河之東南距黑崖甸北一百
有五里

十五日丙子停午至察罕腦兒時

行宮在此申刻大風作玄雲自西北突起少頃四合

雪葉掌如平地尺許亂灑河而北次東北土樓下群

山糾紛川形平易因其勢而廣狹焉泉流縈紆揭衣

可涉地氣甚溫大寒婦雪寢以單韋照如也沙草氈

茂極利畜牧按地志灤野蓋金人駐夏金蓮涼陞一

帶遼人曰王國崖者是也

上命平章王文統草荅高麗手詔其辭有麻誦經供佛

為國祈福良可嘉之語選怯薛丹某官借職宿衛將

軍以高逸民借職禮部員外郎為副使其國將發高

麗世子來覲止馬馬初高麗國相有以書致寒暄于省

府者欲以書為荅且以方略撼之俾見我

大國文加武暢之盛憚曰不可境外之交非人臣所

宜此范文正書諭元昊遂得罪于裕陵也可不戒哉

十六日丁丑

上遣參知政事張易廣右轄廉名希憲字介甫瀚海人資沉毅臨大事不可奪其廉正有大臣風節傳

旨慰諭行省官時

御道不啓拜觀者皆俟故留八日而歿距雙城七十里

二十三日甲申次鞍子山南距灤河四十里

二十四日乙酉次桓州故城西南四十里有李陵故

臺道陵勅建祠宇故址尚在未刻朔風發雨霰交

作傳

令方春牧馬不勝寒克瘦弱者悉用羶毛毳答覆其背否者以法從事

二十六日丁亥時諸王有以宥令行下本管及祝香

四岳者

朝廷以當否為問省官婉辭以對此無他止是爭欲

徼福耳若大制一定此事自革

晨霜蔽野如大雪日極高陰凝始釋距鞍子山廿有

五里是日完州人高道字道之來自和林城說迤北

正三月間地草自燃東自和林西至炊州其燃極艸

根而止水濕處愈甚人往來者須以氈濡水覆其上

可越又有黑風掠人面如灼兵械及山椒遇夜皆有

火出在山者如列炬然或者云火兵象皆彼自焚消

鏢之兆

二十七日戊子次新桓州西南十里外南北界壕尚

宛然也。距舊桓州三十里。申刺歛有兔。自北來入王相帳中。獲焉。公曰：兔陰類，性狡，一舉而得，吾事其有解矣。

二十八日己丑，飯新桓州，未刻，扈從

鑿駕入開平府蓋

聖上龍飛之地。歲丙辰，始建都城。龍崗蟠其陰，灤江經其陽。四山拱衛，佳氣葱鬱。都東北不十里，有大松林，異鳥群集。曰：察必，鵲者，蓋產于此。山有水，水有魚，益貨狼藉，畜牧蕃息，大供居民食用。然水泉淺，大水負土，夏冷而冬冽，東北方極高寒處也。按方志，蓋東漢烏桓地也。距新桓州四十有五里。

二十九日庚寅，風霾四塞，日三丈許，方解。

癸巳二字疑
下誤衍

三十日辛卯，立夏，風色尤慘淡，無光。

夏四月癸巳至辰，日氣極清明，有輝。

二日癸巳，陰慘盡日。

三日甲午，天氣極晴和。

四日乙未，頗覺暑氣，是日向己，憚從徵君，實許李洎。

九道宣撫，候雲叟公疾于私第，茶畢而退。

秋澗先生大全文集卷第八十

廿九日校

蘇州府志卷之八

卷之八

卷之八

卷之八

卷之八

卷之八

卷之八



